

“ТАСДИҚЛАНГАН”
“ANOR BANK” акциядорлик жамияти

Акциядорларининг
2024 йил 13 майдаги
навбатдан ташқари умумий
йиғилиши томонидан
(2/2024-сонли Баённома)

Кўзатув Кенгаши Раиси



Ш.Н. Носиров

Ўзбекистон Республикаси
Марказий банки томонидан

“РЎЙХАТГА ОЛИНГАН”

2024 йил “11” СЕНТЯБР
№ 89

Ўзбекистон Республикаси
Марказий банки
Раисининг биринчи ўринбосари



Н. Н. Сайдуллаев

“ANOR BANK”
АКЦИЯДОРЛИК ЖАМИЯТИНИНГ
УСТАВИ
(Янги таҳрири)

I. УМУМИЙ ҚОИДАЛАР

1. «ANOR BANK» Акциядорлик жамияти (кейинчалик «банк» деб юритилади) банк ҳисобварақларини очиш ва юритиш, тўловларни амалга ошириш, омонатларга (депозитларга) пул маблағларини жалб этиш, ўз номидан кредитлар бериш бўйича банк фаолияти сифатида аниқланган операциялар мажмуини амалга оширувчи тижорат ташкилоти бўлган юридик шахс ҳисобланади.

2. Банк таъсисчиларининг 2020 йил 22 февралдаги 1/2020-сонли баённомасига асосан акциядорлик жамияти шаклида ташкил қилинган. Банк таъсисчилари қуйидагилар:

Ўзбекистон фуқароси Олимов Анварович (Olimov Anvarovich), <i>устав</i> улуши 95,1%	Республикаси Қаҳрамонжон Qahramonjon ustav	Паспорт № АВ5004936, Тошкент шаҳар ИИББ томонидан 09 сентябр 2016 йилда берилган, амал қилиш муддати 08 сентябр 2026 йилгача, рўйхатдан ўтган манзили: Тошкент шаҳар, Олмазор тумани, Себзор мавзеси Марказ 17/18, 4-уй, 141-хонадон
--	---	---

Ўзбекистон фуқароси Туракулов Шухрат ўғли (Turakulov Shuxrat o'g'li), <i>устав</i> капиталидаги улуши 4,9%;	Республикаси Давронбек Davronbek ustav	Паспорт № АА6070864, Андижон вилояти Андижон шаҳар 1-МБ томонидан 08 июл 2014 йилда берилган, амал қилиш муддати 07 июл 2024 йилгача, рўйхатдан ўтган манзили: Тошкент шаҳар, Мирзо-Улугбек тумани, 162в- уй, 27-хонадон
---	---	---

3. Банк ўз фаолиятида Ўзбекистон Республикаси Конституцияси, Ўзбекистон Республикаси Фуқаролик кодекси ва Ўзбекистон Республикасининг “Банклар ва банк фаолияти тўғрисида”ги, “Хусусий банк ва молия институтлари ҳамда улар фаолиятининг кафолатлари тўғрисида”ги, “Қимматли қоғозлар бозори тўғрисида”ги, “Акциядорлик жамиятлари ва акциядорларнинг ҳуқуқларини химоя қилиш тўғрисида”ги қонунлари ва бошқа қонунлар, Ўзбекистон Республикаси Олий Мажлиси палаталари қарорлари, Ўзбекистон Республикаси Президентининг фармон, қарор, фармойишлари, Ўзбекистон Республикаси Вазирлар Маҳкамаси қарорлари, Ўзбекистон Республикаси Марказий банкнинг меъёрий ҳужжатлари ва бошқа қонун ҳужжатларига, шунингдек мазкур Уставга амал қилади.

4. Банк Ўзбекистон Республикасининг банк тизими таркибига киради ва мижозларга хизмат кўрсатиш жараёнини соддалаштирадиган ва инновацион банк технологияларидан фойдаланишга имкон берувчи масофадан туриб юқори сифатли банк хизматларини тақдим этадиган банк ҳисобланади.

5. Банкни ташкил қилиш ва фаолиятидан мақсад - Ўзбекистон Республикаси ҳудуди ва ундан ташқарида фойда олиш учун амалдаги қонун ҳужжатларида тақиқланмаган банк ва молиявий фаолиятни амалга ошириш, шунингдек ушбу фаолият билан боғлиқ бўлган хизматларни кўрсатиш, банк ва бошқа молиявий хизматлар бозорида рақобатни кучайтириш ва мижозларга хизмат кўрсатиш сифатини яхшилаш, шу жумладан масофадан туриб инновацион технологиялардан фойдаланган ҳолда.

6. Банкнинг тўлиқ номи:

ўзбек тилида:

кирилл ёзувида: «ANOR BANK» акциядорлик жамияти;

лотин ёзувида: «ANOR BANK» aksiyadorlik jamiyati;

рус тилида: Акционерное общество «ANOR BANK»;

инглиз тилида: Joint stock company «ANOR BANK».

Банкнинг қисқартирилган номи:
ўзбек тилида:
кирилл ёзувида: «ANOR BANK» АЖ;
лотин ёзувида: «ANOR BANK» AJ;

рус тилида: АО «ANOR BANK»;
инглиз тилида: JSC «ANOR BANK».

7. Банк юридик шахс бўлиб, у ўз мустақил балансида ҳисобга олинadиган алоҳида мол-мулкка, шу жумладан ўзининг устав капиталига берилган мол-мулкка эга бўлади, ўз номидан мулккий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

8. Банк белгиланган тартибда Ўзбекистон Республикаси ҳудудида банк хизматлари марказларини ташкил қилишга ҳақли, қонун ҳужжатларида кўзда тутилган ва ушбу Уставда белгиланган қоидалар доирасида уларга ҳуқуқлар бериши мумкин.

Банк Ўзбекистон Республикаси Марказий банкнинг (кейинчалик “Марказий банк” деб юритилади) рухсати билан чет элда шўъба банклар очиши ва филиаллар ташкил этиши, банкларнинг капиталида иштирок этиши, шу жумладан чет эл банкларини ташкил этишда иштирок этиши мумкин.

Банкнинг шўъба банклари ҳамда ваколатхоналари улар очиладиган ва (ёки) ташкил этиладиган мамлакат қонун ҳужжатларига мувофиқ очилади ва (ёки) филиаллари ташкил этилади.

Банкнинг марказга, филиалга ва ваколатхонага бериб қўйилган мол-мулки банкнинг балансида ҳисобга олинади.

9. Банк маблағларининг сақланиши ҳамда омонатчилар олдидаги мажбуриятларининг бажарилиши учун, шу жумладан тўловлар бир банкдан бошқа банкка ўз вақтида ўтиши ҳамда маблағларнинг корхоналар ва ташкилотлар ҳисоб-китоб варақларига киритилиши учун ўз миждозлари ва омонатчилари олдида жавобгардир.

Акциядорлар банкнинг мажбуриятлари юзасидан жавобгар бўлмайди ва унинг фаолияти билан боғлиқ зарарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

Акциялар ҳақини тўлиқ тўламаган акциядорлар банк мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўладилар.

Банк ўз акциядорларининг мажбуриятлари юзасидан жавобгар бўлмайди.

Банк давлатнинг мажбуриятлари бўйича, давлат эса банкнинг мажбуриятлари бўйича жавоб бермайди, бундан банкнинг ёки давлатнинг ўзи бундай мажбуриятларни зиммасига олиш ҳоллари мустасно.

10. Банк чекланмаган муддатга таъсис этилган.

11. Банк ўз тимсолига, Ўзбекистон Республикасининг давлат тилидаги тўлиқ фирма номи ва тимсоли тасвири туширилган думалоқ муҳрига эга.

Банкнинг юридик ва почта манзиллари: 100170, Тошкент шаҳри, Мирзо-Улуғбек тумани, Сайрам 5-тор кўчаси, 4-уй.

Веб-сайт: www.anorbank.uz.

II. БАНК ОПЕРАЦИЯЛАРИ

12. Банк ўз фаолиятида қуйидаги молиявий операцияларини амалга оширади:
пул маблағларини омонатларга (депозитларга) жалб этиш;
тўловларни амалга ошириш, шу жумладан банк ҳисобварақларини очмасдан амалга ошириш;

жисмоний ва юридик шахсларнинг банк ҳисобварақларини, шу жумладан банкларнинг вакиллик ҳисобварақларини очиш ҳамда юритиш;

кредитларни уларнинг қайтарилиши, фоизлилиги ва муддатлилиги шарти билан ўз номидан ўзининг маблағлари ҳамда жалб этилган маблағлар ҳисобидан бериш;
чет эл валютаси билан нақд ва нақдсиз шакллардаги операциялар;
жисмоний ёки юридик шахс билан тузилган шартнома бўйича мол-мулкни ишончли бошқариш;

инкассация ва касса хизматларини кўрсатиш;

учинчи шахслар номидан уларнинг мажбуриятлари бажарилишини назарда тутувчи кафолатлар бериш ва бошқа мажбуриятларни қабул қилиш;

учинчи шахслардан пул шаклидаги мажбуриятларнинг бажарилишини талаб қилиш ҳуқуқини олиш (факторинг);

қимматли қоғозларни чиқариш, харид қилиш, сотиш, уларнинг ҳисобини юритиш ва уларни сақлаш, мижоз билан тузилган шартномага биноан қимматли қоғозларни бошқариш, улар билан бошқа операцияларни бажариш;

аффинланган қимматбаҳо металллар сотиб олиш ва сотиш, шу жумладан металлларни масъул сақлаш ҳисобварақларини ҳамда металлларнинг эгасизлантирилган (жисмоний бўлмаган) ҳисобварақларини юритиш;

қимматбаҳо металллардан ясалган тангаларни сотиб олиш ва сотиш;

ҳосилавий молия воситалари (деривативлар) билан операцияларни амалга ошириш;

ҳужжатларни ёки қимматликларни сақлаш учун махсус биноларни ёки уларнинг ичидаги сейфларни ижарага бериш;

лизинг бериш;

қонун ҳужжатларида назарда тутилган шаклларда қарзлар бериш;

молиявий операциялар билан боғлиқ маслаҳат хизматлари кўрсатиш;

активлар мажмуини (портфелини) бошқариш;

электрон пулларни чиқариш, улардан фойдаланиш ва тўлаш;

банк карталарини бериш ва тўловларга ишлов бериш, банк карталарига бошқа ташкилотлар, жумладан бошқа молия институтлари билан биргаликда хизмат кўрсатиш.

Банк банклар ва банк фаолияти тўғрисидаги қонун ҳужжатларига мувофиқ бошқа молиявий операцияларни ҳам амалга оширади.

Банк банк фаолиятини амалга ошириш ҳуқуқини берувчи лицензияда кўрсатилмаган молиявий операцияларни амалга оширишга ҳақли эмас.

13. Банк Ўзбекистон Республикасида ўз фаолиятини Марказий банк томонидан бериладиган банк фаолиятини ошириш ҳуқуқини берувчи лицензия асосида амалга оширади.

14. Банк аҳоли, корхоналар, ташкилотлар, кредит ва молия институтлари, шу жумладан норезидентларнинг бўш турган пул маблағларини жалб қилади ва уларни талаб қилиб олгунча сақланадиган депозит ҳисоб варақларида, омонат, муддатли депозит ҳисоб варақларида, шунингдек бошқа турдаги депозит ҳисоб варақлари ва мажбурият ҳисоб варақларида сақлайди.

15. Банк корхоналар, бирлашмалар, ташкилотлар, муассасалар ва фуқароларга кредитнинг муддатлилиги, қайтаришлиги, таъминланганлик, мақсадлилиги ва фоизлилиги принциплари асосида миллий валюта - сўмда ёки чет эл валютасида кредитлашни амалга оширади.

Банк томонидан бериладиган кредитлар, қоида тариқасида, амалдаги қонун ҳужжатларига мувофиқ ундириш мумкин бўлган мол-мулк гарови, шунингдек кафолатлар, кафилликлар, банк тажрибасида қабул қилинган бошқа шакллардаги мажбуриятлар билан таъминланади. Банк бу кафолатлар, кафилликлар, мажбуриятларнинг етарлилигини ўз кредит сиёсати ҳамда Марказий банк қоида ва тавсияларини ҳисобга олган ҳолда белгилайди.

16. Банк Ўзбекистон Республикасининг қонун ҳужжатларида кўзда тутилган тартибда қимматли қоғозлар бозорида профессионал фаолиятни амалга ошириши мумкин.

III. БАНК УЧУН ТАҚИҚЛАНГАН ЁКИ ЧЕКЛАНГАН ФАОЛИЯТ

17. Банк бевосита ишлаб чиқариш, савдо, суғурта фаолияти ҳамда банклар ва банк фаолияти тўғрисидаги қонун ҳужжатларида назарда тутилган молиявий операцияларни амалга ошириш билан боғлиқ бўлмаган бошқа фаолият билан шуғулланишга ҳақли эмас.

18. Ушбу Уставнинг 17-бандида кўрсатилган чеклов куйидаги ҳолларга нисбатан татбиқ этилмайди:

банк карталари асосида нақд пулсиз ҳисоб-китоблар тизимларида фойдаланиладиган ихтисослаштирилган ускунани ва унга доир дастурий таъминотни сотиш ёки ижарага беришга;

ўз активларини сотишга;

чек дафтарчаларини чиқариш, реализация қилиш ва тарқатишга;

суғурта ташкилотлари бўлган Ўзбекистон Республикаси резидентлари номидан суғурта шартномаси тузилишини ташкил этиш бўйича фаолиятни амалга оширишга;

банк ўзи муассис бўлган юридик шахсларга ўз мол-мулкани мулкый ижара (аренда) шартномасига мувофиқ ижарага беришга.

19. Банкга юридик шахсларни ташкил этиш ва (ёки) юридик шахсларнинг устав фондларидаги (устав капиталларидаги) улушларни ёки акцияларни олиш тақиқланади, бундан куйидагилар мустасно:

кредит, суғурта ва лизинг операцияларини профессионал асосда амалга оширувчи юридик шахслар;

молия бозори инфратузилмасининг бир қисми бўлган ёки банкларга ахборот ва маслаҳат хизматларини кўрсатувчи юридик шахслар;

қимматли қоғозлар бозорида профессионал фаолиятни амалга оширувчи юридик шахслар;

банкнинг кафолати остида қимматли қоғозларни чиқариш ва жойлаштириш мақсадида мазкур банкнинг хорижда ташкил этиладиган шўъба ташкилотлари;

фақат инкассация фаолияти билан шуғулланувчи юридик шахслар;

банк операциялари бўйича ҳисоб-китоблар, шу жумладан банк карталари билан операцияларга доир ҳисоб-китоблар иштирокчилари ўртасида ўзаро боғлиқлигини таъминлаш бўйича хизматлар кўрсатувчи юридик шахслар;

фонд ва валюта биржалари;

кредит бюрolari;

қимматли қоғозларнинг иккиламчи бозорига жойлаштирилган акцияларнинг йигирма фоизидан ортиқ бўлмаган миқдорда фонд биржаси листингига киритилган акциядорлик жамиятлари.

20. Банкка ушбу банк устав капиталининг бир ёки ундан ортиқ фоизига эгалик қилувчи юридик шахснинг устав фондида (устав капиталида) иштирок этиш тақиқланади.

21. Ушбу модданинг талаблари банк томонидан бошқа банкнинг акцияларини ёки ўзга банк сақловчиси бўлган бошқа қимматли қоғозларни ёхуд ўзга банкка тегишли юридик шахслар устав фондидаги (устав капиталидаги) улушларни ёки акцияларни улар томонидан қўшиб юбориш ёки қўшиб олиш шаклида қайта ташкил этиш амалга оширилаётганда олиш ҳолларига нисбатан татбиқ этилмайди.

IV. БАНК УСТАВ КАПИТАЛИ

22. Банкнинг устав капитали акциядорлар сотиб олган банк акцияларининг номинал қийматидан ташкил топиб, Ўзбекистон Республикасининг миллий валютасида фойдаланади ва ўз кредиторлари манфаатларини кафолатлайдиган банк мол-мулкнинг энг кам миқдорини белгилайди.

23. Банкнинг устав капитали Ўзбекистон Республикаси миллий валютасида шакллантирилади ҳамда банк муассислари ва акциядорлари киритган пул маблағларидан ёки давлатнинг қимматли қоғозларидан ташкил топади, бундан куйидаги ҳоллар мустасно:

банк акцияларини банкнинг кредиторлари орасида жойлаштириш ва банкнинг кредиторлар олдидаги пул мажбуриятлари бўйича ҳар қандай ҳуқуқларини (талабларини) ҳисобга олиш йўли билан уларнинг ҳақини тўлаш;

қимматли қоғозларни банк акцияларига айирбошлаш;

банкнинг жойлаштирилган бир турдаги акцияларини ушбу банкнинг бошқа турдаги акцияларига алмаштириш.

Банкнинг устав капиталини шакллантириш учун кредитга, гаровга олинган маблағлардан, шунингдек мажбурият юклатилган бошқа маблағлардан фойдаланишга йўл қўйилмайди.

24. Банк оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Банкнинг барча акциялари эгаси ёзилган, эмиссион қимматли қоғозлардир.

Банкнинг барча турдаги акциялари 1 000 (бир минг) сўмни ташкил этадиган номинал қийматга эга.

Жойлаштирилган имтиёзли акцияларнинг номинал қиймати банк устав капиталининг йигирма беш фоизидан ошмаслиги керак.

25. Банк устав капитали 500 000 000 000 (беш юз миллиард) сўмни ташкил этади ва қуйидаги акцияларга тақсимланади:

эгасининг номи ёзилган оддий акциялар – номинал қиймати 1 000 (бир минг) сўм бўлган 500 000 000 (беш юз миллион) дона миқдорда.

Банк томонидан устав капиталини кўпайтириш мақсадида банк чиқариши мумкин бўлган эълон қилинган акциялари суммаси 1 500 000 000 000 (бир триллион беш юз миллиард) сўмни ташкил этади, шу жумладан:

номинал қиймати 1 000 (бир минг) сўм бўлган 1 000 000 000 (бир миллиард) дона эгасининг номи ёзилган оддий акциялар.

номинал қиймати 1 000 (бир минг) сўм бўлган 500 000 000 (беш юз миллион) дона имтиёзли акциялар.

26. Банкнинг устав капитали миқдорини ошириш Ўзбекистон Республикасининг амалдаги қонун ҳужжатларида ва мазкур Уставда кўрсатилган тартибда амалга оширилади.

27. Мазкур Уставга ўзгартириш ва қўшимчалар киритиш тўғрисидаги (мазкур Уставда назарда тутилган қонун ҳужжатлари ва ҳоллар бундан мустасно), шунингдек, банк томонидан чиқарилган акцияларнинг максимал миқдорини белгилаш тўғрисидаги қарор Акциядорларнинг умумий йиғилиши томонидан қабул қилинади.

Қўшимча акциялар эълон қилинган банк уставида белгиланган акцияларнинг сони доирасидагина банк томонидан жойлаштирилиши мумкин.

Банкнинг устав капиталини қўшимча акцияларни жойлаштириш йўли билан кўпайтириш тўғрисидаги қарорда жойлаштириладиган қўшимча оддий акциялар ёки имтиёзли акцияларнинг сони, уларни жойлаштириш муддатлари ва шартлари, шунингдек қонун ҳужжатларига асосан жойлаштирилган акцияларни сотиб олишда имтиёзли ҳуқуқга эга бўлган акциядорлар учун қўшимча акцияларнинг жойлаштириш нархи белгиланган бўлиши керак.

Банк устав капиталини эълон қилинган акцияларнинг энг кўп миқдори чегарасигача кўпайтириш, шунингдек, устав капиталини бундай кўпайтириш ва банкнинг эълон қилинган акциялари миқдорини камайтириш билан боғлиқ бўлган банкнинг мазкур Уставига ўзгартириш ва қўшимчалар киритилиши Кузатов кенгашининг қарорига асосан амалга оширилади.

Банкнинг корпоратив облигациялари банк акцияларига айирбошланадиган қимматли қоғозлар бўлиши мумкин. Банкнинг имтиёзли акцияларнинг банк оддий акцияларига айирбошланиши мумкин.

Оддий акцияларни имтиёзли акцияларга, корпоратив облигацияларга ва бошқа қимматли қоғозларга айирбошлашга йўл қўйилмайди.

28. Банк томонидан акциялар ва акцияларга айирбошланадиган эмиссиявий

қимматли қоғозлар жойлаштирилса, банкнинг овоз берувчи акциялари эгаси бўлмиш акциядорлар бундай қимматли қоғозларни имтиёзли сотиб олиш ҳуқуқига эга. Акциядор, шу жумладан Акциядорларнинг умумий йиғилишида қарши овоз берган ёхуд унда иштирок этмаган акциядор акцияларни ва акцияларга айирбошладиган эмиссиявий қимматли қоғозларни ўзига тегишли шу турдаги акциялар миқдorigа мутаносиб миқдорда имтиёзли сотиб олиш ҳуқуқига эга.

Банк устав капиталини қўшимча акциялар жойлаштириш йўли билан кўпайтириш жойлаштирилган қўшимча акцияларнинг номинал қиймати миқдорида қайд этилади. Бунда эълон қилинган муайян тоифа ва турдаги акцияларнинг миқдори жойлаштирилган ана шу тоифа ва турлардаги акцияларнинг сонига қисқартирилади.

Банк устав капиталини қўшимча акцияларни жойлаштириш йўли билан кўпайтириш қонунчиликда белгиланган тартибда, жалб қилинган инвестициялар, банкнинг ўз капитални ва ҳисобланган дивидендлар ҳисобидан амалга оширилиши мумкин.

Банк устав капиталини унинг ўз капитални ҳисобидан қўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айна ўша турдаги акциялар унга тегишли акциялар сонига мутаносиб равишда тақсимланади. Банк устав капитални кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, банк устав капиталини кўпайтиришга йўл қўйилмайди.

29. Агар қонун ҳужжатларида бошқача ҳолат кўзда тутилмаган бўлса, банкнинг устав капиталини акциялар номинал қийматини ошириш йўли билан кўпайтиришга йўл қўйилмайди.

30. Банкнинг устав капитални акцияларнинг номинал қийматини ёки уларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда банк томонидан акцияларни олиш йўли билан камайрилиши мумкин.

Устав капиталини камайтириш ҳамда банк Уставига тегишли ўзгартиришлар киритиш тўғрисидаги қарор Акциядорларнинг умумий йиғилиши томонидан қабул қилинади. Устав капиталини камайтириш тўғрисида қарор қабул қилган вақтда Акциядорларнинг умумий йиғилиши капитални камайтириш сабабларини кўрсатади ва уни камайтириш тартибини белгилайди.

31. Банк ўзи чиқараётган акцияларга уларни оммавий жойлаштириш йўли билан қонун ҳужжатлари талабларини ҳисобга олган ҳолда очиқ обуна ўтказишга ёки уларни хусусий жойлаштириш йўли билан ёпиқ обуна ўтказишга ҳақли.

Жойлаштирилаётган акцияларнинг сони акцияларни чиқариш тўғрисидаги қарорда кўрсатилган миқдордан кўп бўлмаслиги лозим.

Банк томонидан қўшимча акцияларини ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилган пайтдан бошлаб бир йилдан ошмаслиги керак.

Банк томонидан акцияларни ва акцияларга айирбошладиган қимматли қоғозларни жойлаштириш усуллари (очиқ ёки ёпиқ обуна) Акциядорлар умумий йиғилишининг қарори билан белгиланади. Банк акцияларини ва акцияларга айирбошладиган қимматли қоғозларни жойлаштириш услуги тўғрисида кўрсатма бўлмаса, жойлаштириш фақатгина очиқ обуна йўли билан амалга оширилиши мумкин.

V. БАНКНИНГ ҲУҚУҚ ВА МАЖБУРИЯТЛАРИ

32. Банк молиявий операцияларни амалга ошириш билан боғлиқ қарорлар қабул қилишда мустақилдир.

33. Банк қуйидаги ҳуқуқларга эга:

омонатлар ва бериладиган кредитлар бўйича фоиз ставкаларини мустақил белгилаш;

шартнома асосида депозит ва кредитлар шаклида бошқа банкларнинг маблағларини жалб қилиш ҳамда маблағларни бошқа банкларда жойлаштириш;

ташқил этиладиган ҳисоб-китоб маркази ва вакиллик ҳисобварақлари орқали ҳисоб-китобларни амалга ошириш;

банк операциялари бўйича воситачилик тўловлари миқдорини мустақил белгилаш;

лицензияда ва банк Уставида кўзда тутилган, ўз молия-хўжалик фаолиятини амалга ошириш учун зарур бўлган бошқа хатти-харакатлар ва операцияларни амалга ошириш.

34. Банк қуйидагиларга мажбур:

банкнинг устав капиталидаги улушларга бевосита ва билвосита эгаллик қилувчиларнинг, шу жумладан охириги бенефициар мулкдорнинг шахси ва улушининг миқдори тўғрисидаги мавжуд маълумотларни Марказий банкнинг сўровномасига биноан тақдим этиш;

молиявий барқарорлигини таъминлаш ҳамда омонатчилар ва кредиторларнинг манфаатларини ҳимоя қилиш мақсадида ҳисоблаб чиқариш тартиби ва йўл қўйиладиган қийматлари Марказий банк томонидан белгиланадиган пруденциал нормативларга риоя этиш;

активлар бўйича йўқотишларга оид таваккалчиликни камайтириш мақсадида ўзининг капиталини ва ликвид ресурсларини етарли даражада сақлаб туриш, активлар бўйича ижтимолий йўқотишларга қарши захираларни активларни таснифлаш асосида шакллантириш, шунингдек ўз активларининг диверсификация қилинишини таъминлаш;

Марказий банк томонидан белгиланган мажбурий захиралаш талабларини бажариш;

Марказий банк томонидан белгиланган ички назоратга ҳамда таваккалчиликларни бошқариш тизимига доир талабларга риоя этиш;

жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш тўғрисидаги қонун ҳужжатлари талабларига риоя этиш;

банк барча солиқ ва мажбурий тўловларни тўлаганидан кейин тасарруфида қоладиган соф фойда ҳисобидан захиралар ва фондларни ташқил қилади. Жумладан, қонунчиликда белгиланган тартибда банк захира капитали таркибида “стандарт” деб таснифланган активлар учун, таснифланган активлар бўйича асосий қарздорлик қопланмаган қисмининг I фоизи миқдоридан захира фонди ташқил қилинади;

Марказий банк топшириғига мувофиқ Ўзбекистон Республикаси давлат бюджетининг касса ижроси бўйича операцияларни амалга ошириш;

бериладиган кредитларни, гаров (шу жумладан мол-мулк шаклидаги), кафолатлар, кафиликлар ва мажбуриятларнинг етарлилигини ҳисобга олган ҳолда таъминланишининг локал тартибини белгилаш;

банкда ички аудит хизмати мавжуд бўлишини таъминлаш;

ўз миждоз ва вакилларининг операциялари, ҳисобварақлари ҳамда омонатлари бўйича мажбурийликни таъминлаш;

“тенглик” тамойилига риоя қилиш, яъни барча акциядорлар билан, уларнинг улуши миқдори, даромади, даражаси, жинси, келиб чиқиши, дини, миллати, тили, ижтимоий келиб чиқиши, шахсий ва жамиятдаги мавқеидан қатъий назар бир хил муносабатда бўлиш;

ўз фаолияти тўғрисидаги ахборотни Марказий банк белгиланган тартибда ошқор этиш.

35. Марказий банк предмети ёки мазмуни қуйидагилардан иборат бўлган ҳар қандай тузилган келишув тўғрисида хабардор этилиши керак:

банк акциядорларининг умумий йиғилишларида ёки банк устидан назоратни амалга оширувчи шахсларнинг умумий йиғилишларида овоз бериш ҳуқуқини келишилган ҳолда амалга ошириш;

банк бошқаруви органи аъзоларининг ёки банк устидан назоратни амалга оширувчи шахсларнинг келишилган ҳолда фаолият кўрсатиши;

банк бошқаруви ёки кузатув кенгаши аъзоларининг номзодларнинг ёхуд банк устидан назоратни амалга оширувчи шахсларнинг кўпчилиги номзодини кўрсатиш ҳуқуқини амалга

ошириш.

36. Банк ўз мижози ва вакилларининг операциялари, ҳисобварақлари ҳамда ҳисобварақлари бўйича сирини кафолатлайди. Банк сирини ташкил этувчи маълумотлар мижознинг (вакилнинг) ўзига, мижоз томонидан ваколат берилган вакилга ва қонун ҳужжатларида белгиланган тартибда бошқа шахсларга берилади.

VI. БАНК АКЦИЯДОРЛАРИ

37. Юридик ва жисмоний шахслар, шунингдек Ўзбекистон Республикасининг норезидентлари ҳам, банк акциядорлари бўлиши мумкин.

Норезидент бўлган жисмоний шахсларнинг ва халқаро молия институтлари, чет эл банклари ва бошқа кредит ташкилотлари бўлмаган юридик шахсларнинг жами улуши банк устав капиталининг эллик фоизидан ошмаслиги керак.

Қайси норезидентларнинг иштирокчилари (акциядорлари) ҳамда охириги бенефициар мулкдорлари имтиёзли солиқ режимини тақдим этувчи ва (ёки) охириги бенефициар мулкдорнинг шахсини ошкор этишни ҳамда молиявий операцияларни ўтказиш чоғида айланиш тақдим этишни назарда тутмайдиган давлатда ёки ҳудудда рўйхатга олинган бўлса, ўша норезидентлар банк муассислари ва акциядорлари бўлиши мумкин эмас.

Акциядорлар қуйидаги ҳуқуқларга эга:

банкнинг акциядорлари реестрига киритилиш;

депозитарийдаги депо ҳисобварағидан ўзига тааллуқли қисмидан кўчирма олиш;

банк фойдасининг бир қисмини дивидендлар тарзида олиш;

банк тугатилган тақдирда ўзига тегишли улушга мувофиқ мол-мулкнинг бир қисмини олиш;

Акциядорларнинг умумий йиғилишларида овоз бериш орқали банкни бошқаришда иштирок этиш;

белгиланган тартибда банкнинг молиявий-хўжалик фаолияти натижалари тўғрисида маълумот олиш ва ишончли ахборот олиш;

олишган дивидендини эркин тасарруф этиш;

қонун ҳужжатларида белгиланган тартибда банкдан унга тегишли бўлган акцияларнинг ҳаммаси ёки бир қисмини сотиб олишини талаб қилиш;

қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

ўзига етказилган зарарнинг ўрни қопланишини белгиланган тартибда талаб қилиш;

ўз манфаатларини ифодалаш ва ҳимоя қилиш мақсадида уюшмалар ва бошқа шаклда нотижорат ташкилотларига бирлашиш;

банк акцияларини олишда зарар кўриш, шу жумладан бой берилган фойда билан боғлиқ таваккалчиликни суғурта қилиш;

Йиғилиш кун тартибидаги масалалар юзасидан овоз беришда акциядорларнинг кўшма овозини яратиш мақсадида акциядорлар келишувини ташкил қилиш;

акциядорлар ва инвесторлар учун банк сирини ва махфий маълумотлардан ташқари бошқа маълумотларни талаб қилиб олиш.

Акциядорлар қонун ҳужжатларига ва ушбу Уставга мувофиқ бошқа ҳуқуқларга ҳам эга бўлади.

Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан қўриқланадиган манфаатларини бузмаслиги лозим.

Акциядорлар, бир фоиздан кам бўлмаган оддий акция эгалари, банк Кенгаши йиғилишини чақиритиш талаб қилиш, кун тартибига таклифлар киритиш, фойдани тақсимлаш, акциядорларнинг умумий йиғилишигача бошқарув ва назорат органлари шакллантиришга лавозимларни ўзгартириш ҳуқуқига эгадирлар.

Имтиёзли акция ўз эгаларига ушбу Уставда белгиланган дивидендларни, шунингдек банк тугатилаётганда акцияларга қўйилган маблағларни биринчи навбатда олиш ҳуқуқини берилган акциялардир. Имтиёзли акциялар ўз эгаларига банк фойда кўриш-кўрмаслигидан

қатъи назар, муайян дивидендлар олиш ҳуқуқини беради.

Имтиёзли акцияларнинг эгалари бўлган акциядорлар, агар қонун ҳужжатларида ва ушбу Уставда бошқача қоида белгиланмаган бўлса, акциядорларнинг умумий йиғилишида овоз бериш ҳуқуқига эга эмас.

Имтиёзли акцияларнинг эгалари бўлган акциядорлар акциядорларнинг умумий йиғилишида банкни қайта ташкил этиш ва тугатиш тўғрисидаги масалалар ҳал этилаётганда овоз бериш ҳуқуқи билан иштирок этади. Имтиёзли акцияларнинг эгалари бўлган акциядорлар акциядорларнинг умумий йиғилишида банк уставига имтиёзли акцияларнинг эгалари бўлган акциядорларнинг ҳуқуқларини чеклайдиган ўзгартириш ва қўшимчалар киритиш тўғрисидаги масалалар, шу жумладан, аввалги навбатдаги имтиёзли акциялар бўйича тўланадиган дивиденднинг миқдорини белгилаш ёки кўпайтириш ва (ёки) тугатилиш қийматини белгилаш ёки кўпайтириш масалалари, шунингдек имтиёзли акцияларнинг эгалари бўлган акциядорларга дивиденд ва (ёки) бу акцияларнинг тугатилиш қийматини тўлаш навбати бўйича имтиёзлар бериш ҳоллари ҳал этилаётганда овоз бериш ҳуқуқини олади.

38. Акциядор куйидагиларга мажбур:

ўз акцияларига бўлган ҳуқуқларини ҳисобга олиш бўйича хизмат кўрсатувчи депозитарийни ўзига оид маълумотлардаги ўзгаришлар ҳақида ўз вақтида хабардор қилиш;
банк акцияларини сотиб олишда Ўзбекистон Республикаси қонунчилиги талабларига риоя этиш;

банк сирини ва махфий маълумотларни ташкил этувчи ахборотни ошкор этмаслик;
ҳал қилувчи эгаликка эга бўлган акциядорлар ўзига тегишли акцияларни банкнинг акцияларини олишга доир дастлабки рухсатнома чақириб олинган кундан эътиборан уч ой ичида сотиши керак;

Ўзбекистон Республикасининг амалдаги қонун ҳужжатлари ва ушбу Уставда кўзда тутилган бошқа мажбуриятларни бажариш.

Банк акцияларининг 50 ва ундан ортиқ фоизи эгасига айланган шахс, агар у бунгача мазкур банк акцияларига эгалик қилмаган ёки акцияларининг 50 фоизидан камроғига эгалик қилган бўлса, қолган акциялар эгаларига акцияларни бозор қиймати бўйича ўзига сотишлари борасидаги таклифини ўттиз кун ичида эълон қилиши шарт. Акциядорнинг ўзига тегишли акцияларни сотиши тўғрисидаги ёзма розилиги эълон қилинган кундан эътиборан ўттиз кун ичида олинган тақдирда, жамиятнинг 50 ва ундан ортиқ фоиз акциялари эгаси мазкур акцияларни сотиб олиши шарт.

VII. БАНК АКЦИЯЛАРИГА ЭГАЛИК ҚИЛИШГА ДОИР РУХСАТНОМА ВА ЧЕКЛОВ

39. Жисмоний ва юридик шахслар ёки биргаликда ҳаракат қилувчи шахслар, шу жумладан норезидентлар бир ёки бир неча битим натижасида банкнинг устав капиталидаги: беш ва ундан кўпроқ фоизни, лекин кўпи билан йигирма фоизни;
йигирма ва ундан кўпроқ фоизни, лекин кўпи билан эллик фоизни;
эллик ва ундан кўпроқ фоизни ташкил этадиган улушни бевосита ёки билвосита олишдан олдин Марказий банкнинг дастлабки рухсатномасини олиши шарт.

40. Ушбу Уставнинг 39-бандида белгиланган банк устав капиталидаги улушлар Марказий банкнинг дастлабки рухсатномасини олган шахслар томонидан ўзгартирилган тақдирда, қонунчиликда ўрнатилган тартибда хабардор қилиш йўли билан амалга оширилади.

41. Банк бошқа банкнинг акцияларини бевосита ёки билвосита олишдан олдин Марказий банкнинг дастлабки рухсатномасини олиши шарт. Банк бошқа банкнинг устав капиталидаги улушини кўпайтириш учун Марказий банкнинг тақрорий дастлабки рухсатномасини олиши шарт.

42. Имтиёзли солиқ режимини тақдим этувчи ва (ёки) охириги бенефициар мулкдорнинг шахсини ошкор этишни ҳамда молиявий операцияларни ўтказишда ахборот тақдим этишни назарда тутмайдиган давлатда ва худудда яшайдиган норезидент бўлган жисмоний шахслар ҳамда шундай давлатда рўйхатга олинган юридик шахслар, акциядорлар (иштирокчилар), охириги бенефициар мулкдорлар банк акцияларининг бевосита ёки билвосита эгалик қилувчилари бўлиши мумкин эмас.

43. Агар банкнинг акцияларини олишга доир дастлабки рухсатномани олиш учун монополияга қарши органнинг олдиндан розилигини олиш талаб этилса, банк акцияларини олишга доир дастлабки рухсатномани олиш учун берилган ариза Марказий банк томонидан монополияга қарши органнинг қарорини ҳисобга олган ҳолда кўриб чиқилади.

44. Банк акцияларини олишга доир дастлабки рухсатномасиз тузилган банк акцияларини олишга оид битимлар ҳақиқий эмас деб ҳисобланади.

45. Банк акциялари қонунчиликда белгиланган тартиб бузилган ҳолда олинган тақдирда, акцияларнинг эгаси бундай битим тузилган кундан эътиборан акциядорларнинг умумий йиғилишида овоз беришга, акциядорларнинг навбатдан ташқари умумий йиғилишини чақиришни ва ўтказишни талаб қилишга, кун тартибига масалалар киритишга, банк кузатув кенгаши ва бошқаруви аъзолигига номзодлар кўрсатишга, шунингдек банк фойдасининг бир қисмини дивидендлар тарзида олишга ҳақли эмас.

46. Шахс ўзига боғлиқ бўлмаган ҳолатларда банкнинг акцияларини 39-бандда кўрсатилган ҳажмда олганда Марказий банк рухсатномасини олиш талаб қилинади. Шахс ўзига боғлиқ бўлмаган ҳолатларда банкнинг акцияларини олган кундан эътиборан Марказий банк томонидан тегишли қарор қабул қилинадиган кунга қадар акциялар эгасининг ҳуқуқлари тўхтатиб турилади.

47. Акциядор ўзига боғлиқ бўлмаган ҳолатларда банк акцияларини олган кундан эътиборан олтмиш кун ичида Марказий банкнинг рухсатномасини олиш учун ариза тақдим этиши керак. Акциядор томонидан ариза тақдим этилмаган тақдирда, ўзига боғлиқ бўлмаган ҳолатларда олинган банк акциялари олинган кундан эътиборан уч ой ичида бошқа шахсга берилиши лозим.

VIII. БАНКНИНГ ФОЙДАСИ, ФОНДЛАРИ, ЗАРАРЛАРИ. ДИВИДЕНДЛАР.

48. Дивиденд банк соф фойдасининг акциядорлар ўртасида тақсимланадиган қисмидир.

Дивиденд Акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд банкнинг қимматли қоғозлари билан тўланиши мумкин.

Банкнинг имтиёзли акциялари бўйича дивидендларни банкнинг қимматли қоғозлари билан тўлашга йул қўйилмайди.

49. Банк молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақлидир.

Молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарор тегишли давр тугаганидан сўнг уч ой ичида қабул қилиниши мумкин.

Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор банк Кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида Акциядорларнинг умумий йиғилиши томонидан қабул қилинади. Дивидендларнинг миқдори банк Кенгаши томонидан тавсия этилган миқдордан кўп бўлиши мумкин эмас.

50. Банк акцияларнинг ҳар бир тури бўйича эълон қилинган дивидендларни тўлаши шарт. Дивиденд акциядорлар ўртасида уларга тегишли акцияларнинг сони ва турига

муносиб равишда тақсимланади.

Дивидендлар банк тасарруфида қоладиган соф фойдадан ва (ёки) ўтган йилларнинг тақсимланмаган фойдасидан тўланади.

Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

Дивидендларни тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

Дивидендларни тўлаш чоғида биринчи навбатда имтиёзли акциялар бўйича, сўнгра оддий акциялар бўйича дивидендлар тўланади.

Банкнинг имтиёзли акциялари бўйича дивидендлар қўйидаги миқдорда тўланади:

- ҳисобланган дивидендлар акцияларнинг номинал қийматидан 25 (йигирма беш) фоизни ташкил қилади.

Банк Ўзбекистон Республикаси норезидент акциядорининг ёзма талабига кўра унга ҳисобланган дивидендларни эркин айирбошланадиган валютага айирбошлаб, маблағларни норезидент акциядор тақдим этган банк ҳисобварағига ўтказиб бериши шарт.

51. Акциядорларга дивидендларни тўлаш тўғрисида қарор қабул қилинган Акциядорларнинг умумий йиғилишини ўтказиш учун шакллантирилган банк акциядорларининг реестрида қайд этилган шахслар акциялар бўйича дивиденд олиш ҳуқуқига эга.

Банк акциядорларининг реестри, Акциядорларнинг умумий йиғилиши ўтказиладиган санадан 3 иш куни олдин шакллантирилади.

52. Банк дивидендларнинг миқдорини улардан ундириладиган солиқларни инобатга олмаган ҳолда эълон қилади. Банк тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва банкнинг расмий веб-сайтларида қонун ҳужжатларида белгиланган муддатларда эълон қилади.

53. Банк акциядорларга дивидендлар тўлаш, шунингдек банкнинг Кузатув кенгаши, бошқаруви аъзолари ва ходимларини мукофотлаш орқали фойдани тақсимлашни куйидаги ҳолларда амалга оширишга ҳақли эмас:

пруденциал нормативлар Марказий банк томонидан белгиланган талабларга мувофиқ бўлмаганда ёки улар мазкур тақсимлаш оқибатида бузилганда;

ночорлик (банкротлик) бўлганда ёки мазкур тақсимлаш оқибатида ночорликнинг (банкротликнинг) аломатлари юзага келганда;

Марказий банкнинг ижро этилиши мажбурий бўлган кўрсатмасида акс эттирилган, шу жумладан ахборотни ошкор этиш борасида кўрсатилган камчиликлар бартараф этилмаганда ёки уларни бартараф этиш имконияти мавжуд бўлмаганда;

Марказий банкнинг фойдани тақсимламаслик тўғрисида банкка нисбатан талаби мавжуд бўлганда.

54. Банк қуйидаги ҳолларда фойдани тақсимлаш учун Марказий банкнинг розилигини олиши керак:

ушбу Уставнинг 53-бандининг биринчи хатбошисида кўрсатилган тўловларнинг умумий суммаси банкнинг ўз капиталининг ўн фоизидан ортганда;

жорий ёки ўтган чорақда ва (ёки) молия йилида зарар мавжуд бўлганда.

55. Банк фондлари банк Кузатув кенгашининг қарорига мувофиқ шакллантирилади ва банкнинг тўлиқ тасарруфида бўлади.

56. Банкнинг захира фонди банк устав капиталининг 15 фоизи миқдорини ташкил этади. Банкнинг захира фонди ушбу Уставда белгиланган миқдорга етгунига қадар банк соф фойдасининг беш фоизи миқдорида хар йилги мажбурий ажратмалар орқали шакллантирилади.

57. Бошқа маблағлар мавжуд бўлмаган тақдирда банкнинг захира фонди банк зарарлари ўрнини қоплаш, банк корпоратив облигацияларини муомаладан чиқариш, имтиёзли акциялар бўйича дивидендлар ва банк акцияларини қайтариб сотиб олиш учун

мўлжалланади.

58. Банкнинг зарарлари захира фонди ҳисобидан қопланади. Зарарларни қоплаш учун захира фондининг маблағлари етишмаган тақдирда, зарарни қоплаш манбалари тўғрисида қарор банк Кузатув кенгаши томонидан қабул қилинади.

59. Банкнинг соф фойдаси ушбу Уставга ва Акциядорлар умумий йиғилишининг қарорларига мувофиқ тақсимланади.

IX. БАНКНИ БОШҚАРИШ

60. Қуйидагилар банкнинг бошқарув органлари ҳисобланади:

Акциядорларнинг умумий йиғилиши;

Кузатув кенгаши;

Бошқарув.

61. Кузатув кенгаши ва Бошқарув банк Устави, Акциядорларнинг умумий йиғилиши қарорлари ва Ўзбекистон Республикасининг амалдаги қонун ҳужжатларида берилган ваколатлар доирасида банк фаолиятига раҳбарлик қилади.

Банк фаолиятини самарали ташкил этиш ва хорижий инвесторларни устав капиталига жалб қилиш, бошқарув органлари ва меҳнат жамоаси ўртасида ўзаро алоқалар тизимини яратиш Корпоратив бошқарув кодексига ва банкнинг бошқа локал ҳужжатларига асосан амалга оширилади.

62. Банк Кузатув кенгашининг ва Бошқарувининг аъзолари, шунингдек муҳим аҳамиятга эга ходимлари бенуқсон ишчанлик обрўсига, банк таваккалчиликларининг самарали бошқарилишини, ўз ваколатлари доирасида асосли қарорлар қабул қилинишини таъминлаш учун зарур бўлган тажрибага, билим ва кўникмаларга эга бўлиши керак, банклар ва банк фаолияти тўғрисидаги қонун ҳужжатлари талабларига доимо мувофиқ бўлишини таъминлаши шарт.

63. Банк Бошқаруви аъзолари ва муҳим аҳамиятга эга ходимлари иш берувчининг розилиги билан бошқа ташкилотларда ўриндошлик асосида ишлаши мумкин, бундан уларнинг бошқа банклар ва ташкилотларда ишга жойлашуви манфаатлар тўқнашувига олиб келиши мумкин бўлган ҳоллар мустасно.

64. Банк Кузатув кенгашининг ва Бошқарувининг аъзоларини, шунингдек муҳим аҳамиятга эга ходимлар лавозимларига кўрсатилаётган номзодларни уларнинг лавозига киришишидан олдин Марказий банк билан келишиб олади. Баҳолаш шартлари, баҳолаш учун зарур ҳужжатлар, малака талабларига мувофиқлик мезонлари, шунингдек уларни келишиб олиш тартиби Марказий банк томонидан белгиланади.

65. Банк корпоратив бошқарувга оид сиёсатни ишлаб чиқади ва тасдиқлайди.

Акциядорларнинг умумий йиғилиши

66. Акциядорларнинг умумий йиғилиши банкнинг юқори бошқарув органидир.

67. Акциядорлар умумий йиғилишининг ваколат доирасига қуйидагилар киради:

67.1. банк Уставига ўзгартириш ва қўшимчалар киритиш ёки банкнинг янги таҳрирдаги Уставини тасдиқлаш, Кузатув кенгашининг қарорига асосан амалга ошириладиган устав капиталини кўпайтириш ва эълон қилинган акциялар сонининг камайиши билан боғлиқ ўзгартириш ва қўшимчалар киритиш бундан мустасно;

67.2. банкни қайта ташкил этиш;

67.3. банкни тугатиш, тугатиш комиссиясини тайинлаш ҳамда оралик ва якуний тугатиш балансларини тасдиқлаш;

67.4. Кузатув кенгашининг сон таркибини белгилаш, унинг аъзоларини сайлаш ва аъзоларнинг ваколатларини муддатидан олдин тугатиш;

67.5. Миноритар акциядорлар қўмитасини тузиш ва сон таркибини белгилаш, унинг аъзоларини сайлаш ва аъзоларнинг ваколатларини муддатидан олдин тугатиш;

67.6. эълон қилинган акцияларнинг энг кўп миқдорини белгилаш;

- 67.7. банк устав капиталини камайтириш;
- 67.8. қонун ҳужжатларида белгиланган тартибда ва ҳолларда, Марказий банк билан келишувга асосан, ўз акцияларини сотиб олиш;
- 67.9. банк ташкилий тузилмасини тасдиқлаш;
- 67.10. мажбурий аудиторлик текширувини ўтказиш учун аудиторлик ташкилотини ва унинг хизматига тўланадиган ҳақ миқдори чегарасини белгилаш ҳамда у билан шартнома тузиш ёки шартномани бекор қилиш туғрисидаги қарорни қабул қилиш;
- 67.11. Кузатув кенгаши томонидан тайинланган банк Бошқаруви раисини тасдиқлаш;
- 67.12. банк Тафтишчисини сайлаш ва унинг ваколатларини муддатидан олдин тугатиш;
- 67.13. Акциядорларнинг умумий йиғилиши, Миноритар акциядорлар кўмитаси, Кузатув кенгаши, банк Бошқаруви ва банк Тафтишчиси, шунингдек, Кузатув Кенгаши аъзоларига ҳақ тўлаш тартиби туғрисидаги низомларни, банк корпоратив бошқаруви Кодексини тасдиқлаш, шунингдек уларга қўшимча ва ўзгартиришлар киритиш;
- 67.14. банкнинг йиллик ҳисоботини, шунингдек банк фаолиятининг асосий йўналишлари ва мақсадидан келиб чиққан ҳолда банкни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;
- 67.15. банкнинг фойда ва зарарларини тақсимлаш;
- 67.16. ўз ваколат доирасига кирадиган масалалар юзасидан, шу жумладан банкни бошқаришга доир қонун ҳужжатларида белгиланган талабларга риоя этилиши юзасидан Кузатув кенгашининг ҳисоботларини ва банк Тафтишчисининг хулосаларини эшитиш;
- 67.17. қимматли қоғозларнинг хосилаларини чиқариш туғрисида қарор қабул қилиш;
- 68.18. акцияларни ва акцияларга айирбошланадиган эмиссиявий қимматли қоғозларни сотиб олишда, Ўзбекистон қонунчилигида белгиланган акциядорнинг имтиёзли ҳуқуқни қўлламаслик туғрисидаги қарор қабул қилиш;
- 67.19. қонун ҳужжатларида белгиланган ҳолларда банк билан алоқадор бўлган (аффилланган) шахслар билан битим тузиш туғрисида қарор қабул қилиш;
- 67.20. акциядорларнинг умумий йиғилиши регламентини тасдиқлаш;
- 67.21. акцияларни майдалаш ва йириклаштириш;
- 67.22. баланс қиймати ёки сотиб олиш қиймати битим тузиш туғрисида қарор қабул қилинаётган санада банк соф активлари миқдорининг эллик фоизидан ортигини ташкил этувчи мол-мулкни сотиш ёки сотиб олиш хусусида йирик битим тузиш туғрисида қарор қабул қилиш;
- 67.23. Кузатув Кенгаши ва Бошқарувнинг банкни ривожлантириш стратегиясига эришиш бўйича кўрилаётган чора-тадбирлар туғрисидаги ҳисоботларини ва бошқа ҳужжатларни кўриб чиқиш;
- 67.24. хайр-эхсон, хомийлик ва беғараз ёрдам миқдорининг чегарасини белгилаш;
- 67.25. Ўзбекистон Республикаси қонун ҳужжатлари, ушбу Уставда ва Акциядорларнинг умумий йиғилиши туғрисидаги Низомда назарда тутилган бошқа масалаларни ҳал этиш.
68. Ушбу Уставнинг 67-банди 67.1, 67.2, 67.3, 67.6, 67.17, 67.21, 67.24 кичик бандларида кўрсатилган масалалар бўйича қарор Акциядорларнинг умумий йиғилиши томонидан Акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.
69. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартиришлар киритишга ҳақли эмас.
70. Банк ҳар йили Акциядорларнинг умумий йиғилишини (Акциядорларнинг йиллик умумий йиғилишини) ўтказиши шарт. Акциядорларнинг йиллик умумий йиғилиши ҳар йили 30 июнь кунини ўтказилади.
- Зарур ҳолларда банк Кузатув кенгаши акциядорларни амалдаги қонун ҳужжатларида

белгиланган тартибда олдиндан хабардор қилган ҳолда, Уставнинг ушбу бандида кўрсатилган муддатдан олдин Акциядорларнинг йиллик умумий йиғилишини чақиришга ҳақли.

Акциядорларнинг умумий йиғилишини ўтказиш чоғида умумий йиғилишда, кун тартибидаги масалаларни муҳокама қилиш ва овозга қўйилган масалалар бўйича қарорлар қабул қилишда иштирок этиш имкониятини берадиган ахборот-коммуникация технологияларидан фойдаланилиши мумкин.

71. Акциядорларнинг умумий йиғилишида иштирок этиш ҳуқуқига Акциядорларнинг умумий йиғилишини ўтказиш санасидан уч иш куни олдин шакллантириладиган банк акциядорларининг реестрида қайд этилган акциядорлар эга бўлади.

72. Акциядорларнинг умумий йиғилишини ўтказиш тўғрисидаги хабар Акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоғи билан ўттиз кун олдин Корпоратив ахборотлар ягона порталида, банкнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

73. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) банкнинг йиллик хисоботи, банкнинг йиллик молиявий-хўжалик фаолиятини текшириш натижалари юзасидан аудиторлик ташкилотининг хулосаси, Кузатув кенгашининг банк Бошқаруви раиси билан тузилган шартноманинг амал қилиш муддатини узайтириш, шартномани қайта тузиш ёки бекор қилиш мумкинлиги тўғрисидаги хулосаси, шунингдек Кузатув кенгаши ҳамда Миноритар акциядорлар қўмитаси аъзолигига номзодлар тўғрисидаги маълумотлар, банк Уставига киритиладиган ўзгартириш ва қўшимчалар лойихаси ёки банкнинг янги таҳрирдаги Устави лойихаси киради.

74. Банк овоз берувчи акцияларининг хаммаси бўлиб камида бир фоизига эгалик қилувчи акциядорлар (акциядор):

банкнинг молиявий йили тугаганидан кейин тўқсон кундан кечиктирмай, Акциядорларнинг йиллик умумий йиғилиши кун тартибига масалалар киритишга ҳамда Кузатув кенгашининг миқдор таркибидан ошмайдиган тарзда номзодлар кўрсатишга ҳақли;

Кузатув кенгаши йиғилишини чақиришни талаб қилишга ва унинг кун тартибига масалалар киритишга, фойдани тақсимлаш, Акциядорлар умумий йиғилиши ўтказилгунга қадар ўзгартириш ҳуқуқи билан бошқарув ва назорат органлари аъзолигига номзодлар кўрсатиш ҳуқуқига эга.

75. Акциядорларнинг навбатдан ташқари умумий йиғилиши Кузатув кенгашининг қарорига кўра унинг ўз ташаббуси билан, шунингдек талаб тақдим этилган санада банк овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

Марказий банк банк Кузатув кенгаши томонидан акциядорларнинг навбатдан ташқари умумий йиғилишини ўтказишни, акциядорлар Марказий банк томонидан белгиланган масалаларни, шу жумладан банк капиталини банкнинг молиявий барқарорлигини таъминлай оладиган миқдоргача кўпайтириш масаласини кўриб чиқишни талаб қилиш ҳуқуқига эга.

76. Акциядорларнинг умумий йиғилишида иштирок этиш ҳуқуқи шахсан акциядор томонидан ёки унинг вакили орқали амалга оширилади. Акциядор Акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

77. Акциядорнинг вакили Акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим. Жисмоний шахс

номидан берилган овоз беришга доир ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда берилади.

78. Агар Акциядорларнинг умумий йиғилишида иштирок этиш учун рўйхатдан ўтказиш тугалланган пайтдан, банкнинг жойлаштирилган овоз берувчи акцияларининг жами эллик фоизидан кўпига эга бўлган акциядорлар (уларнинг вакиллари) рўйхатдан ўтган бўлса, Акциядорларнинг умумий йиғилиши ваколатли (кворумга эга) бўлади.

Акциядорларнинг умумий йиғилишини ўтказиш учун кворум бўлмаса, Акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди.

Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда банкнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, Акциядорларнинг такрорий умумий йиғилиши ваколатли бўлади.

79. Акциядорларнинг умумий йиғилишида кун тартиби масалалари бўйича овоз бериш овоз бериш бюллетенлари орқали амалга оширилади ёки масофадан туриб ахборот-коммуникация технологияларидан фойдаланган ҳолда.

Овоз бериш бюллетенларининг шакли ва матни Кузатув кенгаши томонидан тасдиқланади, Акциядорларнинг навбатдан ташқари умумий йиғилиши Кузатув кенгаши томонидан чақирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатдан ўтган акциядорга (унинг вакилига) берилади.

Банк Акциядорларининг умумий йиғилишида иштирок этган шахсга, ўзи томонидан тўлдирилган бюллетендан, ўз ҳисобидан нусха олишига руҳсат берилади.

Акциядорларнинг умумий йиғилишида кун тартибидаги масалалар бўйича ахборот-коммуникация технологияларидан фойдаланган ҳолда масофадан туриб овоз берилганда овоз бериш бюллетенларидан фойдаланилмайди. Бунда овозга қўйилган масалалар бўйича қабул қилинган қарорнинг қонунийлиги акциядорни акциядорларнинг умумий йиғилишида иштирок этиш учун рўйхатга олишда фойдаланиладиган электрон рақамли имзо билан тасдиқланади.

80. Кузатув кенгаши аъзосини сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

81. Санок комиссияси Акциядорларнинг умумий йиғилишида кворум бор ёки йўқлигини аниқлайди, умумий йиғилишда овоз бериш ҳуқуқларининг акциядорлар (уларнинг вакиллари) томонидан амалга оширилиши муносабати билан юзага келадиган масалаларни тушунтиради, овозга қўйилладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳуқуқларини таъминлайди, овозларни санаб чиқади ва овоз бериш ҳужжатларини чиқаради, овоз бериш ҳужжатлари тўғрисида баённома тузади, овоз бериш бюллетенларини банкнинг архивига топширади.

82. Акциядорлар умумий йиғилишининг баённомаси Акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Хар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

83. Миноритар акциядорларнинг ҳуқуқлари ва қонуний манфаатларини химоя қилиш мақсадида банкда уларнинг орасидан Миноритар акциядорларнинг қўмитаси ташкил этилиши мумкин.

Миноритар акциядорлар қўмитасининг таркибига номзодлар бўйича таклифлар банкка Кузатув кенгашига номзодлар бўйича таклифлар киритиш учун назарда тутилган тартибда ва муддатларда киритилади.

Миноритар акциядорлар кўмитасининг аъзоларини сайлашда Акциядорларнинг умумий йиғилишида hozир бўлган ва Кузатув кенгашига номзодлар кўрсатмаган ёхуд акциядорларнинг ўтказилаётган умумий йиғилишида Кузатув кенгашига номзодлари сайланмаган акциядорлар иштирок этади.

Миноритар акциядорлар кўмитасининг таркибига банк Бошқаруви раиси, Бошқарув аъзолари, шунингдек Кузатув кенгашига ва банк Тафтишчиси этиб сайланган шахслар кириши мумкин эмас.

Миноритар акциядорлар кўмитасининг ваколатига қуйидагилар киради:

Акциядорларнинг умумий йиғилиши ёки Кузатув кенгаши кўриб чиқиши учун киритилаётган йирик битимлар ва аффилланган шахслар билан битимлар тузишга оид масалалар бўйича таклифлар тайёрлашда иштирок этиш;

миноритар акциядорларнинг ўз ҳуқуқлари ва қонуний манфаатларини ҳимоя қилиш билан боғлиқ муурожаатларини кўриб чиқиш;

қимматли қоғозлар бозорини тартибга солиш бўйича ваколатли давлат органига миноритар акциядорларнинг ҳуқуқлари ва қонуний манфаатларини ҳимоя қилиш тўғрисида муурожаатлар киритиш;

қонун ҳужжатларига ва банк Уставига мувофиқ бошқа масалаларни кўриб чиқиш.

Миноритар акциядорлар кўмитасининг қарорлари оддий кўпчилик овоз билан қабул қилинади. Миноритар акциядорлар кўмитасининг мажлислари унинг микдор таркибига сайланган шахсларнинг камида тўртдан уч қисми hozир бўлганда ваколатлидир.

Миноритар акциядорлар кўмитаси 3 (уч) кишидан кам бўлмаган таркибда сайланади.

Миноритар акциядорларнинг кўмитаси қабул қилинган қарорлар тўғрисида хар йили Акциядорларнинг умумий йиғилишида ҳисобот беради.

Миноритар акциядорлар кўмитасининг раиси ушбу кўмита таркибидан миноритар акциядорлар кўмитасининг аъзолари томонидан кўпчилик овоз билан сайланади.

Миноритар акциядорлар кўмитасининг раиси Миноритар акциядорлар кўмитасининг ваколат доирасига киритилган барча масалалар бўйича банкнинг ҳужжатларидан фойдаланиш ҳуқуқига эга.

Миноритар акциядорлар кўмитасининг фаолият кўрсатиш тартиби қимматли қоғозлар бозорини тартибга солиш бўйича ваколатли давлат органи томонидан тасдиқланади.

Миноритар акциядорлар кўмитаси банкнинг хўжалик фаолиятига аралашшига ҳақли эмас, шунингдек миноритар акциядорлар тижорат ва банк сирини қўллаш орқали асосиз равишда ҳужжатлар ва махфий ахборотларни сўраш билан банк бошқарув органларининг фаолиятига тўсқинлик қилишига йўл қўйилмайди.

Миноритар акциядорлар кўмитасининг фаолиятига Кузатув кенгашининг ёки банк Бошқарувининг аралашувига йўл қўйилмайди.

Кузатув кенгаши

84. Банкнинг Кузатув кенгаши банк фаолиятига умумий раҳбарликни амалга оширади, бошқарувга оид қарорлар қабул қилиш жараёнида назорат ва текширув вазифасини бажаради ҳамда умуман банкнинг фаолияти ва молиявий барқарорлиги учун жавобгардир.

85. Кузатув кенгаши банкни самарали ва тадбирли бошқаришни, шу жумладан банк бошқаруви аъзолари ўртасида ваколатларнинг ҳамда жавобгарликнинг тақсимланишини, манфаатлар тўқнашувининг олди олинишини ва бартараф этилишини таъминлайдиган бошқарув ташкилий тузилмасини белгилайди ҳамда унинг жорий этилиши устидан назорат ва текширувни амалга оширади.

86. Кузатув кенгаши аъзолари банкнинг оқилона корпоратив бошқарувига кўмаклашиши ҳамда ўз ваколатларини ва мажбуриятларини бажариш чоғида банкнинг, унинг омонатчилари ва акциядорларининг қонуний манфаатларини инобатга олиши, шунингдек Марказий банк билан самарали ҳамкорликни таъминлаши керак.

87. Кузатув кенгаши банк акциядорларининг ҳуқуқ ва манфаатларини химоя қилади ва банк фаолиятига умумий раҳбарликни амалга оширади, Ўзбекистон Республикасининг қонун ҳужжатлари ва ушбу Устав билан Акциядорлар умумий йиғилишининг ваколат доирасига киритилган масалаларни ҳал этиш бундан мустасно.

88. Кузатув кенгашининг ваколат доирасига қуйидагилар киради:

88.1. банкни стратегик бошқаришда акциядорлар, жумладан, миноритар акциядорлар ролини ошириш, ҳалқаро тажриба асосида замонавий корпоратив бошқарув услубларини жорий этиш, инвестиция, моддий-техник, молиявий ва меҳнат ресурсларидан фойдаланиш самарадорлигини ошириш асосида банк фаолиятининг устувор йўналишларини белгилаш;

88.2. акциядорларнинг йиллик ва навбатдан ташқари умумий йиғилишларини чақириш, қонун ҳужжатларида ва ушбу Уставда кўзда тутилган ҳоллар бундан мустасно;

88.3. Акциядорлар умумий йиғилишининг кун тартибини тайёрлаш, шунингдек кун тартибидаги масалалар бўйича керакли маълумотларни тақдим қилиш;

88.4. Акциядорларнинг умумий йиғилиши ўтказиладиган сана, вақти ва жойини белгилаш;

88.5. Акциядорларнинг умумий йиғилиши ўтказилиши ҳақида хабар қилиш учун банк акциядорларининг реестрини шакллантириш санасини белгилаш;

88.6. банкни қайта ташкил қилиш ва тугатиш, банк Уставига ўзгартиришлар ва қўшимчалар киритиш ёки янги тахрирдаги банк Уставини тасдиқлаш, банкнинг йиллик ҳисоботи, фойда ва зарарлари тақсимланишини тасдиқлаш, аудиторлик текшируви ўтказиш (мажбурий аудиторлик текширувини ўтказиш учун аудиторлик ташкилотини ва унинг хизматига тўланадиган ҳақ миқдори чегарасини белгилаш ва у билан шартнома тузиш ёки шартномани бекор қилиш бундан мустасно), тўғрисидаги масалаларни кўриб чиқиш учун Акциядорларнинг умумий йиғилишига киритиш;

88.7. мол-мулкнинг бозор қийматини белгилашни ташкил этиш;

88.8. банкнинг сиёсатлари ва йиллик бизнес-режасини тасдиқлаш, бунда банкнинг келгуси йилга мўлжалланган бизнес-режаси банкнинг Кузатув кенгаши мажлисида жорий йилнинг 1 декабридан кечиктирмай тасдиқланиши лозим;

88.9. банк Бошқаруви раисини лавозимига тайинлаш, унинг ваколат муддатини узайтириш ёки муддатидан олдин тугатиш ва кейинчалик бу масалани тасдиқлаш учун Акциядорларнинг умумий йиғилишига киритиш. Қонунчиликда ва банк локал ҳужжатларида белгиланган тартибда, банк Бошқаруви раисини тайинлаш тўғрисидаги қарор, хорижий менежерлар ҳам иштирок этиши мумкин бўлган танлов асосида қабул қилиниши мумкин;

88.10. банк Бошқаруви аъзоларини лавозимига сайлаш (тайинлаш) ва уларнинг ваколатларини муддатидан олдин тугатиш;

88.11. фақатгина банк Кузатув кенгаши аъзоларидан иборат бўлган аудит қўмитасини, ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

88.12. Ахборот технологиялари қўмитасини (IT-қўмитаси) ва банк хатарларини назорат қилиш қўмитасини ташкил этиш;

88.13. банкнинг Тафтишчисига тўланадиган ҳақ ва компенсацияларнинг миқдорлари юзасидан тавсиялар бериш;

88.14. дивиденд миқдори, уни тўлаш шакли ва тартиби юзасидан тавсиялар бериш;

88.15. банкнинг захира фондидан ва бошқа фондларидан фойдаланиш;

88.16. банкнинг филиалларини ташкил қилиш ва ваколатхоналарини очиш;

88.17. шуъба ва тобе хўжалик жамиятларини ташкил этиш, қайта ташкил этиш ва тугатиш;

88.18. баланс қиймати ёки олиш қиймати битим тузиш тўғрисида қарор қабул қилинаётган санада банк соф активлари миқдорининг ўн беш фоизидан эллик фоизигачасини ташкил этувчи мол-мулкни сотиб олиш ёки сотиш хусусида йирик битим

тузиш тўғрисидаги бир овоздан қарор қабул қилиш. Агарда йирик битим тузиш тўғрисида Кузатув кенгаши томонидан бир овоздан қарор қабул қилишга эришилмаса, Кузатув кенгашининг қарори билан йирик битим тузиш тўғрисидаги масала Акциядорлар умумий йиғилиши томонидан қарор қабул қилиш учун киритилиши мумкин;

88.19. банкнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

88.20. корпоратив облигацияларини қайтариб сотиб олиш тўғрисида қарор қабул қилиш;

88.21. банк билан алоқадор бўлган (аффилиланган) шахслар билан битим тузиш тўғрисида қарорларни қабул қилиш, бундай битим тузиш тўғрисидаги қарор қонун ҳужжатлари ва ушбу Уставга муфовиқ Акциядорлар умумий йиғилишининг ваколат доирасига киритилган ҳоллар бундан мустасно;

88.22. банк томонидан корпоратив облигациялар, жамғарма ва депозит сертификатларини чиқариш тўғрисида қарор қабул қилиш;

88.23. акцияларни жойлаштириш (ташкил этилган қимматли қоғозлар савдоларига чиқариш) нархини қонун ҳужжатлари ва ушбу Уставга муфовиқ белгилаш;

88.24. банк Бошқаруви аъзоларига тўланадиган ҳақ ва (ёки) компенсацияларнинг миқдорларини белгилаш;

88.25. банкнинг таркибий тузилмалари ва филиаллари фаолият тартибини белгиловчи локал ҳужжатларни тасдиқлаш, қонун ҳужжатлари ва ушбу Уставга муфовиқ Акциядорларнинг умумий йиғилиши ва банк Бошқаруви ваколатига тааллуқли бўлган локал ҳужжатларни қабул қилиш (тасдиқлаш) бундан мустасно;

88.26. банк Бошқаруви фаолиятига дахлдор ҳар қандай ҳужжатдан эркин фойдаланиш ва банк Бошқаруви ёки унинг топшириғи бўйича масъул шахслардан Кузатув кенгаши зиммасига юклатилган вазифаларни бажариш учун уларни олиш. Кузатув кенгаши аъзолари олинган ҳужжатлардан факат хизмат мақсадларида фойдаланиши мумкин;

88.27. Кузатув кенгаши қошидаги кўмиталарини ташкил қилиш ва улар тўғрисидаги низомлар, шунингдек ички аудит ва ички назорат хизмати низомларини тасдиқлаш;

88.28. барча акциядорларга ошкор этган ҳолда, Акциядорлар умумий йиғилиши белгилаган ва жорий йил учун тасдиқланган бизнес-режа доирасида, хайр-эхсон, хомийлик ва беғараз ёрдам кўрсатиш шартлари тўғрисидаги қарорларни қабул қилиш. Бундай ҳолатда хайр-эхсон, хомийлик ёки беғараз ёрдами миқдорининг чегараси ҳар йили акциядорларнинг йиллик умумий йиғилиши томонидан белгиланади;

88.29. банкда вужудга келадиган ўзаро қарашлар келишмовчиликлари (банк ва (ёки) мижоз учун келгусида ноҳуш ҳолатга олиб келиши мумкин бўлган банкнинг мулкӣ ва бошқа манфаатларида банк таркибий тузилмалари, унинг ходимлари, мижозлари ўртасидаги келишмовчиликлар)ни олдини олиш ва тартибга солиш;

88.30. учинчи шахслар томонидан банк фаолияти тўғрисидаги эксперт ҳисоботларини банк веб сайти ёки “Интернет” ахборот телекоммуникацион тармоғида жойлаштириш учун бирламчи розиликни бериш;

88.31. банкнинг кўшимча акцияларини чиқариш йули билан устав капиталини кўпайтириш, шунингдек, банк уставига банкнинг устав капиталини кўпайтириш ҳамда банкнинг эълон қилинган акциялари сонини камайтириш билан боғлиқ ўзгартиш ва кўшимчалар киритиш;

88.32. банк томонидан акцияларга айирбошланадиган корпоратив облигацияларни чиқариш тўғрисида қарор қабул қилиш;

88.33. қонун ҳужжатлари, ушбу Устав ва Кузатув кенгаши тўғрисидаги низом ва банкнинг бошқа локал ҳужжатларида кўзда тутилган Кузатув кенгаши ваколатларига киритилган бошқа масалаларни ҳал қилиш.

Кузатув кенгаши ваколатларига киритилган масалаларни ҳал қилиш банк Бошқарувида ўтказилиши мумкин эмас.

89. Кузатув кенгаши мажбуриятлари:

ўз ваколатларидан банк акциядорлари манфаатларини кўзлаб иш тутиш;

банкка малакали рахбарликни таъминлаш;

банк Бошқаруви билан маслахатлашган ҳолда банкнинг узоқ ва қисқа муддатли бизнес-режаларини тасдиқлаш;

банкнинг амалиёт фаолияти, кредитлар бериш ва маблағларни инвестициялашнинг тўғрилиги устидан (омонатчилар, кредиторлар ва акциядорлар манфаатларини химоя қилиш мақсадида) жорий назоратни амалга ошириш;

стратегик мақсадларни, корпоратив бошқарув сиёсатини, банкнинг бошқа ички сиёсатларини, шу жумладан таваккалчиликларни аниқлаш, бошқариш, мониторинг қилиш ва улар тўғрисида хабардор этиш, капиталнинг етарлилигини лозим даражада сақлаб туриш сиёсатини тасдиқлаш ҳамда уларнинг амалга оширилиши устидан назорат қилиш;

активларни таснифлаш асосида активлар бўйича эҳтимолдаги зарарларга қарши яратиладиган захиралар шакллантирилиши устидан назорат қилиш, шунингдек банкнинг капитал ва умумий захираларининг етарли даражада сақлаб турилишини таъминлаш;

манфаатлар тўқнашувининг олдини олиш ва уни бартараф этиш тартибини тасдиқлаш;

банкнинг молиявий ҳолатини тиклаш режаларини тасдиқлаш;

банкнинг Бошқаруви устидан назоратни амалга ошириш;

банкнинг қабул қилинган бизнес-режаси бажарилиши устидан назорат қилиш, шунингдек ҳар чоракда банкнинг фаолияти натижалари тўғрисида банк Бошқарувининг ҳисоботини эшитиш;

банкнинг ички аудит хизмати фаолиятини ташкил этиш, шунингдек банк ички аудит хизматининг чораклик ҳисоботлари асосида банк Бошқаруви томонидан банк стратегиялари ва сиёсатларига риоя этилишини баҳолашдан ўтказиш;

банк Бошқаруви аъзолари томонидан тақдим этилган ахборотни, таклифларни ва тушунтиришларни ўрганиш, муҳокама қилиш ҳамда улар бўйича баҳслашиш;

банк фаолиятини бошқариш тизими самарадорлигини, шу жумладан банк бошқаруви принциплари мониторингини ва уларни даврий баҳолашни амалга ошириш ҳамда аниқланган камчиликларни бартараф этиш учун тегишли чораларни кўриш;

бир йилда камида бир марта амалга оширилган назорат ва текширув фаолияти тўғрисида акциядорларнинг умумий йиғилишига ҳисобот тақдим этиш;

йиллик молиявий ҳисоботларни тасдиқлаш ҳамда бухгалтерия ҳисоби ва молиявий ҳисоботлар тизимининг яхлитлигини таъминлаш;

банкнинг узоқ муддатли молиявий манфаатларини ва Марказий банк томонидан капиталга нисбатан белгиланган талабларни ҳисобга олган ҳолда пруденциал талабларга риоя этилишини таъминлаш;

банкнинг Ички назорат тўғрисидаги низоми талабларига риоя қилинишини назорат қилиш.

90. Кузатув кенгаши 5 кишидан иборат таркибда сайланади. Кузатув кенгаши аъзолари Акциядорларнинг умумий йиғилиши томонидан уч йил муддатга сайланади. Кузатув Кенгаши таркибига сайланган шахслар чекланмаган тарзда қайта сайланиши мумкин.

Банк Бошқаруви аъзолари ва Бошқарув раиси, шунингдек банкда меҳнат шартномаси асосида ишлаётган шахслар Кузатув кенгаши аъзоси булиши мумкин эмас. Кузатув кенгаши аъзоларининг кўпчилиги банкка алоқадор шахслар бўлмаслиги керак, бундан уларнинг Кузатув кенгашидаги аъзолиги мустасно.

Кузатув кенгаши аъзолари ўз мулоҳазаларининг мустақиллиги бўйича талабларга риоя этиши керак.

Куйидаги ҳолларда шахс Кузатув кенгаши аъзолигига сайланиши мумкин эмас ёки сайланган шахс Кузатув кенгаши аъзолиги ҳуқуқидан маҳрум этилади, агар:

шахс икки ёки ундан ортиқ банкнинг кузатув кенгаши аъзоси бўлса ёки аъзо бўлиш

ҳақиқатида бўлса, бундан мазкур банклар бир банк гуруҳига тегишли бўлган ҳоллар мустасно; шахснинг ваколатлари Марказий банк талабига кўра муддатидан илгари тугатилган бўлса.

Кузатув кенгаши таркибида, ҳар йили қайта сайланиши мумкин бўлган биттадан кам бўлмаган мустақил аъзоси бўлиши керак.

Куйидаги шахслар, яъни:

охирги уч йил ичида банкда ва (ёки) банкга аффилиланган шахсларда ишламаган; банкнинг акциядори ва (ёки) банкга аффилиланган шахсни таъсисчиси (акциядори, эштирокчиси) бўлмаган;

банкнинг йирик мижози ва (ёки) банкнинг йирик етказиб берувчиси ва (ёки) банкга аффилиланган шахс билан фуқаровий-ҳуқуқий муносабатда бўлмаган. Бунда энг кам ойлик иш ҳақининг икки минг баробари миқдорида бўлган амалдаги шартномаси бўлган шахслар йирик мижоз ва йирик етказиб берувчи деб ҳисобланади.

Кузатув кенгаши аъзоси вазифаси ва функцияларини бажариш билан боғлиқ бўлган шартномалардан ташқари, банк ва (ёки) банкга аффилиланган шахслар билан бирон-бир келишувга эга бўлмаган;

банкнинг бошқарув ва ички назорат органларининг ва (ёки) унинг аффилиланган шахсларининг аъзоси бўлган шахснинг ёки сўнги уч йил ичида уларга аъзо бўлган шахснинг яқин қариндоши ёки қуда томондан қариндоши (ота-онаси, ака-укалари, опа-сингиллари, ўғиллари, қизлари, эри (хотини), шунингдек эрининг (хотинининг) ота-онаси, ака-укалари, опа-сингиллари ва фарзандлари) бўлган шахс;

давлат бошқаруви ёки давлат корхонаси ходими бўлмаган шахслар Кузатув кенгашининг мустақил аъзоси деб эътироф этилади.

91. Кузатув кенгаши аъзолари сайлови кумулятив овоз бериш орқали амалга оширилади.

Кумулятив овоз беришда ҳар бир акциядорга тегишли овозлар сони Кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки уларни икки ва ундан ортиқ номзодлар ўртасида тақсимлашга ҳақли.

Энг кўп овоз тўплаган номзодлар Кузатув кенгашининг таркибига сайланган деб ҳисобланади.

92. Кузатув кенгашининг раиси Кузатув кенгаши аъзоларининг умумий сонига нисбатан кўпчилик овоз билан Кузатув кенгаши таркибидан Кузатув кенгаши аъзолари томонидан сайланади.

93. Кузатув кенгашининг раиси унинг ишини ташкил этади, Кузатув кенгаши мажлисларини чақиради ва уларда раислик қилади, мажлисларида баённома юритилишини ташкил этади ҳамда Акциядорларнинг умумий йиғилишида раислик қилади, банк номидан Бошқарув раисини ёллаш тўғрисидаги меҳнат шартномасини тузади.

Кузатув кенгашининг раиси бўлмаган тақдирда унинг вазифасини Кузатув кенгашининг аъзоларидан бири амалга оширади.

94. Кузатув кенгашининг йиғилиши Кузатув кенгашининг раиси томонидан унинг ўз ташаббусига кўра, Кузатув кенгаши аъзосининг, банк Бошқаруви аъзосининг, бир фоиздан кам бўлмаган оддий акциялар эгаси бўлган банк акциядорларининг талабига, ички аудит хизмати раҳбари, ташқи аудиторининг талабига кўра, шунингдек қонунчиликда кўрсатилган бошқа шахслар талабига кўра чақирилади.

95. Кузатув кенгаши ҳар ой камида бир марта чақирилади.

96. Кузатув кенгашининг йиғилишини ўтказиш учун кворум Кузатув кенгашига сайланган аъзоларнинг 80 фоизидан кам бўлмаслиги керак.

Кузатув кенгаши аъзоларининг сони ушбу Уставда кузда тутилган миқдорнинг 80 фоизидан кам бўлган тақдирда, Кузатув кенгашининг янги таркибини сайлаш учун Акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий

Йиғилишини чақириш тўғрисида қарор қабул қилишга, шунингдек банк Бошқаруви раиснинг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

97. Кузатув кенгашининг йиғилишда қарорлар йиғилишда hozir бўлганларнинг кўпчилиги овози билан қабул қилинади, Уставнинг **88.18, 88.21, 88.31 ва 88.32** бандларидаги масалалар юзасидан қарор қабул қилиш ҳоллари бундан мустасно, бу масалалар юзасидан қарорлар Кузатув кенгаши томонидан бир овоздан қабул қилиниши керак. Агарда кўрсатилган масалалар юзасидан Кузатув кенгаши томонидан бир овоздан қарор қабул қилиш имкони бўлмаса, Кузатув кенгаши ушбу масалаларни банк Акциядорларининг умумий йиғилишига киритади.

Кузатув кенгаши қарорларини қабул қилишда овозлар тенг бўлган тақдирда Кузатув кенгаши раиси ҳал қилувчи овоз ҳуқуқига эга бўлади.

Кузатув кенгашининг бир аъзоси ўз овозини Кузатув кенгашининг бошқа аъзосига беришига йўл қўйилмайди.

98. Кузатув кенгашининг йиғилишида баённома юритилади, у йиғилиш ўтказилганидан сўнг 10 (ўн) кундан кечиктирмай тузилади ва тасдиқланади.

Кузатув кенгаши йиғилишининг баённомаси йиғилишда иштирок этаётган, йиғилиш баённомаси тўғри расмийлаштирилиши учун жавобгар бўлган Кузатув кенгаши аъзолари томонидан имзоланади.

Кузатув кенгашининг қарорлари сиртдан овоз бериш йўли билан (суров йўли билан) Кузатув кенгашининг барча аъзолари томонидан бир овоздан қабул қилиниши мумкин.

Кузатув кенгаши йиғилишининг баённомаси имзоланган куни банк Бошқарувига ижро этиш учун топширилади. Кузатув кенгаши Акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот банк Бошқарувига Кузатув кенгашининг йиғилиши ўтказиладиган куни топширилади.

Банк Бошқаруви

99. Банк бошқаруви банкни бошқаришнинг ижро этувчи органи бўлиб, у банкнинг кузатув кенгаши томонидан тасдиқланган фаолият стратегияси ва уни бошқариш тизимига мувофиқ банкнинг фаолиятига оператив бошқарувни амалга оширади ҳамда банкнинг фаолияти учун жавобгарликни тўлиқ зиммасига олади. Бошқарувга раис раҳбарлик қилади.

Банк Бошқаруви қонун ҳужжатлари ва банк Уставига мувофиқ, Акциядорлар умумий йиғилиши ёки Кузатув кенгашининг ваколат доирасига киритилган масалалар бўйича қарорлар қабул қилишга ҳақли эмас.

Банк Бошқаруви Кузатув Кенгаши ва Акциядорлар умумий йиғилиши олдида ҳисобдордир.

100. Банк Бошқаруви 7 (етти) кишилик таркибдан иборатдир. Банк Бошқаруви таркибига раис, унинг ўринбосарлари ва банк Кузатув кенгашининг қарорига асосан банкнинг муҳим аҳамиятга эга булган ходимлари, шунингдек бошқа мустақил бўлимларнинг раҳбарлари киритилиши мумкин.

101. Банк Бошқаруви раиси лавозимга Кузатув кенгашининг қарори билан уч йил муддатга тайинланади ва кейинчалик Акциядорлар умумий йиғилиши тасдиғига киритилади. Банк Бошқаруви раисининг ҳуқуқ ва мажбуриятлари у билан уч йил муддатга тузиладиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади.

Банк Бошқаруви раиси тайинлаш тўғрисидаги қарор, юқори малакали хорижий менежерлар ҳам иштирок этиши мумкин бўлган танлов асосида қабул қилиниши мумкин.

Банк Бошқаруви аъзолари Кузатув кенгаши томонидан уч йил муддатга тайинланади. Бошқарув аъзоларининг ҳуқуқ ва мажбуриятлари улар билан уч йил муддатга тузиладиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинади.

102. Банк Бошқарувининг ваколатига Ўзбекистон Республикасининг қонун ҳужжатлари, ушбу Устав ва банкнинг бошқа локал ҳужжатларига асосан Акциядорлар умумий йиғилишининг ёки Кузатув кенгашининг ваколат доирасига киритилган масалалардан ташқари, банк фаолиятига кундалик раҳбарлик қилишга доир барча масалалар киради.

Банк Бошқаруви:

102.1. Акциядорлар умумий йиғилишининг ва Кузатув кенгашининг қарорлари бажарилишини ташкил этади;

102.2. банкнинг таркибий тузилмалари ишини мувофиқлаштиради, халқаро тажрибани чуқур таҳлил қилиш асосида замонавий корпоратив бошқарув услубларини жорий этади, инвестиция, моддий-техник, молиявий ва меҳнат ресурсларидан фойдаланиш самарадорлигини оширади; банкка хорижий инвестицияларни кенг жалб қилиш учун қулай шароитлар яратади, етакчи хорижий таълим муассасалари билан ҳамкорлик асосида бошқарув ходимларини тайёрлаш ва уларнинг касб даражасини оширишни ташкил қилади, шунингдек банкнинг раҳбарлик лавозимларига чет эллик юқори малакали менежерларни жалб қилади;

102.3. банк ички назорат ва ички аудит хизматлари тўғрисидаги низомлар ва Акциядорлар умумий йиғилиши ва Кузатув кенгаши томонидан тасдиқланадиган бошқа локал ҳужжатлардан ташқари банк таркибий бўлинмалари тўғрисидаги низом, тартиб, қоидаларни тасдиқлайди;

102.4. баланс қиймати ёки олиш қиймати битим тузиш тўғрисида қарор қабул қилинаётган санада банк соф активлари миқдорининг беш фоизидан ўн беш фоизигачани ташкил этувчи мол-мулкни сотиб олиш ёки сотиш хусусида битим тузиш тўғрисида қарор қабул қилади;

102.5. Ўзбекистон Республикаси ҳудудида банк хизматлари марказларини ташкил қилади;

102.6. банк Бошқаруви ҳузуридаги кўмиталарни ташкил этади ва улар тўғрисидаги низомларни тасдиқлайди;

102.7. банкнинг кундалик фаолиятидаги муҳим масалалар бўйича қарорлар қабул қилади;

102.8. банк ички аудити хизматининг текширув натижалари бўйича аниқланган камчиликлар ва қонун бузилишларни ҳар чоракда кўриб чиқади ва уларни бартараф қилиш чораларини кўради;

102.9. ташқи аудит текшируви натижалари ва Марказий банк томонидан ўтказилган инспекция (текширув) ҳисоботларини батафсил таҳлил қилади;

102.10. банкни бошқариш учун сиёсатлар, жумладан кредит, инвестиция, эмиссия, банк ликвидлигини бошқариш сиёсатларини ишлаб чиқиш бўйича чораларни кўради;

102.11. қонун ҳужжатлари, ушбу Устав, банк Бошқаруви тўғрисидаги низом ва банкнинг бошқа локал ҳужжатларида назарда тутилган банк Бошқаруви ваколатига кирадиган бошқа масалаларни ҳал қилади.

103. Банк Бошқаруви:

стратегик мақсадларни, корпоратив бошқарув сиёсатини, банкнинг бошқа ички сиёсатларини, шу жумладан таваккалчиликларни аниқлаш, бошқариш, мониторинг қилиш ва таваккалчиликлар тўғрисида хабардор этиш, капиталнинг етарлилигини лозим даражада сақлаб туриш сиёсатини амалга ошириши;

банкнинг тегишли ва шаффоф ташкилий тузилмасини, шу жумладан ваколатларни ва жавобгарликни банк ходимлари ўртасида ўз ваколатлари доирасида тақсимлашни таъминлаши;

банк ходимларининг фаолияти устидан назоратни амалга ошириши;

банкнинг қабул қилинган йиллик бизнес-режасини бажариши, шунингдек банк акциядорларининг умумий йиғилишига ва кузатув кенгашига бажарилган ишлар, банкка нисбатан қўлланилган чоралар ҳамда санкциялар тўғрисидаги ҳисоботни даврий равишда

тақдим этиши;

ушбу Уставида ҳамда банклар ва банк фаолияти тўғрисидаги қонун ҳужжатларида назарда тутилган бошқа мажбуриятларни бажариши шарт.

104. Банк Бошқаруви йиғилиши, агар унда банк Бошқарувининг камида 5 (бешта) аъзоси ҳозир бўлса, ваколатли ҳисобланади.

Қарорлар банк Бошқаруви йиғилишида иштирок этувчиларнинг кўпчилик овози билан қабул қилинади. Овозлар тенг бўлган ҳолларда банк Бошқаруви раисининг овози ҳал қилувчи овоз ҳисобланади.

Банк Бошқаруви аъзоси банк Бошқаруви қарорига қўшилмаган ҳолларда Кузатув кенгашига ўз фикри тўғрисида хабар бериши мумкин.

105. Банк Бошқаруви йиғилишида баённома юритилади. Банк Бошқаруви йиғилишининг баённомаси Кузатув кенгаши ва банк Тафтишчисининг талаби бўйича уларга тақдим қилинади.

Банк Бошқаруви йиғилишини ўтказилишини, банк номидан барча ҳужжатларга ва банк Бошқаруви йиғилиши баённомасига имзо чекувчи банк Бошқаруви раиси ташкил қилади, ўз ваколат доирасида банк Бошқаруви қабул қилган қарорларга мувофиқ банк номидан ишончномасиз иш юритади.

106. Кузатув кенгаши банк Бошқаруви раиси, банк Бошқаруви аъзолари билан тузилган шартномани, улар шартнома шартларини бузган тақдирда, шунингдек ушбу Уставини кўпол тарзда бузса ёки уларнинг ҳаракатлари (ҳаракатсизлиги) туфайли банкка зарар етказилган бўлса, муддатидан олдин тугатиш (бекор қилиш) ҳуқуқига эга.

107. Кузатув кенгаши томонидан банк Бошқаруви раисининг ваколатларини тугатиш тўғрисида қарор қабул қилинган тақдирда, банк Бошқаруви раисининг ваколатларини бошқа шахсга ўтказиш тўғрисидаги масала ўша йиғилишнинг ўзида ҳал этилиши ёхуд банк Бошқарувининг раиси вазифасини вақтинча бажарувчи шахсни тайинлаган ҳолда Акциядорларнинг яқин орадаги умумий йиғилишида кўриб чиқиш учун қолдирилиши мумкин.

108. Банк Бошқаруви раисининг ваколатларини тугатиш тўғрисида қарор қабул қилган Кузатув кенгаши банк Бошқаруви раиси вазифасини вақтинча бажарувчи шахсни тайинлаш тўғрисида қарор қабул қилади, шунингдек банк Бошқаруви раиси тўғрисидаги масалани ҳал этиш учун Акциядорларнинг навбатдан ташқари умумий йиғилишини чақиради.

109. Банк Бошқаруви раиси:

Акциядорлар умумий йиғилишининг, Кузатув кенгашининг қарорлари ижросини таъминлайди;

банк номидан ишончномасиз иш юритади, бошқа ташкилотлар билан ўзаро муносабатларда унинг манфаатларини ифодалайди;

Ўзбекистон Республикаси қонун ҳужжатлари ва ушбу Уставада белгиланган доираларда банкнинг мол-мулк ва пул маблағларини тасарруф этади;

қоидалар, иш тартиби ва бошқа локал ҳужжатларини тасдиқлайди, Акциядорларнинг умумий йиғилиши, Кузатув кенгаши ва банк Бошқаруви томонидан тасдиқланадиган локал ҳужжатлар бундан мустасно;

банк Бошқаруви томонидан тасдиқланган локал ҳужжатларни имзолайди;

банк, банк хизматлари марказлари ва республика ташқарисида очиладиган филиал ва ваколатхоналарнинг штат жадвалларини тасдиқлайди;

ишончномалар беради;

банкларда банкнинг вакиллик, валюта, ҳисоб-рақамлари ва бошқа ҳисоб-рақамларини очади;

бухгалтерия ҳисоби ва ҳисоботини ташкил қилади;

баланс қиймати ёки олиш қиймати битим тузиш тўғрисида қарор қабул қилинаётган санада банк соф активлари миқдорининг беш фоизича бўлган мол-мулкни, кўчмас мулк ва автотранспорт воситаларидан ташқари, сотиб олиш ёки сотиш хусусида битим тузиш

тўғрисидаги қарор қабул қилиш;
ходимларни, шу жумладан бўлинма, банк хизматлари марказлари, филиал ва
филиаллар раҳбарларини ишга қабул қилади ва ишдан бўшатади;
банк ходимларини қонун ҳужжатлари, ушбу Устав, Акциядорларнинг умумий
йиғилиши ва банк Кенгаши томонидан белгиланган тартибда рағбатлантиради, шунингдек
уларни интизомий ва моддий жавобгарликка тортади;
банк ходимларининг барчаси учун мажбурий бўлган буйруқлар чиқаради ва
қўрсатмалар беради;
Акциядорларнинг умумий йиғилиши, Кузатув кенгаши ва банк Тафтишчиси
фаолиятини ташкилий техникавий таъминлашни амалга оширади;
Ўзбекистон Республикаси қонун ҳужжатлари ва ушбу Уставга мувофиқ банк
фаолиятининг бошқа кундалик масалаларини ҳал қилади.

Х. БАНКНИНГ ҲИСОБИ ВА ҲИСОБОТИ

110. Банк бухгалтерия ҳисобини Марказий банк томонидан белгиланган қоидалар
асосида ишлаб чиқилган ички ҳисоб-китоб сиёсатида мувофиқ ташкил этади ва юритади.
111. Банк молиявий ҳисоботларнинг халқаро стандартларини қўллаши мумкин.
112. Банкдаги бухгалтерия ҳисоби:
бошқарувга, молияга, солиққа ва назоратга оид ҳисоботнинг ҳамда бошқа
ҳисоботларнинг ишончлилигини, уларда банкнинг ҳақиқий молиявий ҳолати ва фаолияти
натижалари акс эттирилишини;
банк активларини ва юзага келувчи таваккалчиликларни бошқариш хавфсизлигини;
банк акциядорлари ва Кузатув кенгаши томонидан банкнинг молиявий аҳволини ва
уларнинг мансабдор шахсларининг ишини назорат қилиш имкониятини таъминлаши керак.
113. Банкда бухгалтерия ҳисобининг ташкил этилиши, ҳолати ва ишончлилиги,
тегишли органларга ҳар йилги ҳисобот ва бошқа молиявий ҳисоботлар, шунингдек
банкнинг расмий веб-сайтида ва оммавий ахборот воситаларида акциядорларга,
кредиторларга тақдим этиладиган банк фаолияти тўғрисидаги маълумотлар ўз вақтида
тақдим этилиши учун жавобгарлик амалдаги қонун ҳужжатларига мувофиқ банк
бошқарувининг зиммасида бўлади.
114. Банк Марказий банкка молиявий ва назорат ҳисоботларини, шунингдек ўз
фаолияти тўғрисидаги ҳисоботларни Марказий банк томонидан белгиланган шаклларда,
тартибда ва муддатларда тузади ҳамда Марказий банкка тақдим этади. Банк Марказий
банкнинг талабига кўра консолидациялашган, даврий, шунингдек бир марталик
ҳисоботларни тақдим этади.
Банк Марказий банкка тақдим этиладиган ҳисоботларнинг ва бошқа маълумотларнинг
ақлиги ҳамда ишончлилиги учун жавобгардир.
Банк қонун ҳужжатларига мувофиқ бошқа турдаги ҳисоботларни ҳам тақдим этади.
115. Банкнинг молиявий ҳисоботларида кўрсатилган ва Акциядорларнинг умумий
йиғилишига тақдим этиладиган молиявий ҳисоботдаги, бухгалтерия балансидаги, фойда ва
зарарлар ҳисоб-варағидаги маълумотларнинг ишончлилиги мулкрий манфаатлари банк ёки
уларнинг акциядорлари билан боғлиқ бўлмаган аудиторлик ташкилоти (кейинги матнларда -
мустакил аудиторлик ташкилоти) томонидан тасдиқланган бўлиши керак.
116. Банкнинг йиллик ҳисоботи Акциядорларнинг йиллик умумий йиғилиши
ўтказиладиган санадан камида 30 кун олдин Кузатув кенгаши томонидан дастлабки тарзда
тасдиқланиши лозим.
117. Банкнинг амалиёт йили 1 январда бошланади ва 31 декабрда тугайди.
118. Банк молиявий ҳисоботларни, уларда кўрсатилган маълумотларнинг
тўғрилигини аудиторлик ташкилоти тасдиқлаганидан кейин Марказий банк томонидан
белгиланадиган шаклда эълон қилади.
119. Банк Аудитнинг халқаро стандартлари асосида ташқи аудитдан ўтказилганидан
сўнг Молиявий ҳисоботларнинг халқаро стандартлари асосида тузилган йиллик молиявий

хисоботларини Акциядорларнинг умумий йиғилиши утказилишидан икки hafta олдин чоп этиши шарт.

120. Банк ўз маблағларига, капиталга доир талабларнинг бажарилишига, ликвидликка, таваккалчиликларнинг қийматига ва бошқа муҳим кўрсаткичларга (нормативларга) доир ахборотни ошкор этиши керак.

XI. БАНКНИНГ МОЛИЯ-ХЎЖАЛИК ФАОЛИЯТИНИ НАЗОРАТ ҚИЛИШ

121. Банкнинг молия-хужалик фаолиятини текшириш Акциядорлар умумий йиғилишининг, Кузатув кенгашининг ташаббусига кура ёки банк овоз берувчи акцияларининг камида беш фоизига эгалик килувчи акциядорнинг (акциядорларнинг) талабига кўра Кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият яқунлари бўйича амалга оширилади.

122. Ички аудит хизмати банк Бошқаруви, банк хизматлари марказлари, филиаллари ва ваколатхоналари томонидан қонун ҳужжатларига, банк Уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек банкни бошқариш юзасидан қонун ҳужжатларида белгиланган талабларга риоя этилишини текшириш ва бу борада мониторинг олиб бориш орқали уларнинг ишини назорат қилади ҳамда баҳолайди.

123. Ички аудит хизмати банк Кузатув кенгаши олдида ҳисобдордир.

124. Банк аудити мустақил аудиторлик ташкилотлари томонидан ҳар йили ўтказилади. Аудиторлик ташкилоти банк билан тузилган шартномага мувофиқ қонун ҳужжатларида белгиланган тартибда банкнинг молия-хўжалик фаолиятини текширилишини амалга оширади ва унга аудиторлик хулосасини тақдим этади.

125. Банкнинг аудиторлик текшируви Марказий банкнинг талабига кўра умуман банкнинг фаолияти бўйича ҳам, шунингдек банк фаолиятининг алоҳида йўналишлари бўйича ҳам ўтказилиши мумкин.

126. Банк аудиторлик текширувининг мақсади банкнинг молиявий ахбороти ҳамда бошқа молиявий маълумотлари тўғрилигини ва бухгалтерия ҳисоби тўғрисидаги қонун ҳужжатларига ҳамда молиявий ҳисоботларга оид халқаро стандартларга мувофиқлигини аудиторлик ташкилоти томонидан аниқлашдан иборат.

127. Банкнинг йиллик молиявий ҳисоботи тўғрисидаги аудиторлик хулосаси қонунда назарда тутилганидан ташқари, аудиторлик ташкилоти томонидан:

банк томонидан ҳисобот санасидаги ҳолатга кўра пруденциал нормативларнинг бажарилишини;

банкнинг ички назорати ва таваккалчиликларини бошқариш тизимларининг ташкил этилиши Марказий банк томонидан қўйилган талабларга мувофиқлигини текшириш натижаларини ўз ичига олган бўлиши керак.

128. Аудиторлик ташкилоти банкнинг молиявий ҳисоботи ва молияга доир бошқа ахборотлар ҳақида нотўғри хулосани ўз ичига олган аудиторлик хулосаси тузганлик скибатида етказилган зарар учун банк олдида жавобгар бўлади.

XII. БАНКНИ ҚАЙТА ТАШКИЛ ҚИЛИШ ВА ТУГАТИШ

129. Банкни қайта ташкил қилиш амалдаги қонун ҳужжатларига мувофиқ Акциядорларнинг умумий йиғилиши қарорига асосан, Марказий банк рухсати билан, ёки Марказий банк талаби билан амалга оширилади.

Банкни қайта ташкил этиш рақобат тўғрисидаги қонунчиликнинг талаблари ҳисобга олинган ҳолда, акциядорлар умумий йиғилишининг қарорига мувофиқ қўшиб юбориш,

қўшиб олиш, бўлиш, ажратиб чиқариш ва ўзгартириш шаклида Марказий банкнинг рухсати билан амалга оширилади.

130. Банкнинг фаолиятини тугатиш ва банкни тугатиш ихтиёрий ёки мажбурий (Марказий банк томонидан лицензия чақириб олинганда) шаклда амалга оширилиши мумкин.

Банкнинг фаолиятини тугатиш ва банкни тугатиш учун:

банк акциядорлари умумий йиғилишининг банкни ихтиёрий тугатиш тўғрисидаги қарори;

Марказий банк бошқарувининг банкни мажбурий тугатиш ҳақидаги қарори асос бўлади.

Банкнинг фаолиятини тугатиш ва банкни тугатиш, шу жумладан ихтиёрий шаклда тугатиш тартиби Марказий банк томонидан белгиланади.

131. Ихтиёрий тугатиш банк акциядорлари (иштирокчилари) умумий йиғилишининг ихтиёрий тугатиш тўғрисидаги қарори асосида, кредиторлар ва омонатчиларнинг талабларини қаноатлантириш имконияти мавжуд бўлганда ҳамда Марказий банкнинг рухсати олинганда амалга оширилади.

Банкни ихтиёрий тугатиш тўғрисидаги қарор акциядорларнинг умумий йиғилишида иштирок этаётган овоз берувчи акциялар эгалари бўлган акциядорлар овозларининг тўртдан уч қисмидан иборат кўпчилик овози билан қабул қилинади.

Банк Марказий банкка акциядорларнинг умумий йиғилиши томонидан банкни ихтиёрий тугатиш тўғрисида қабул қилинган қарор ҳақида дарҳол ёзма шаклда хабар бериши шарт.

132. Банк Марказий банк бошқарувининг лицензияни чақириб олиш тўғрисидаги қарори асосида мажбурий тугатилади.

Банкни мажбурий тугатиш чоғида тугатиш комиссияси Марказий банк томонидан тайинланади.

Марказий банк тугатиш комиссияси таркибига Марказий банк ходимларини киритишга ҳақли.

133. Банк тугатилаётганда барча кредитор ва омонатчилар талаблари инобатга олинади. Кредиторлар ва омонатчилар билан ҳисоб-китоб тугагандан кейин, банкнинг қолган мол-мулки тугатувчи томонидан қонун ҳужжатларида белгиланган тартибда акциядорлар ўртасида тақсимланади.

Имтиёзли акцияларни тугатилиш қиймати уларнинг номинал қийматининг 100 фоизига тенг.

134. Банкни тугатиш Банкларнинг давлат реестрига тегишли ёзув киритилган кундан эътиборан тамомланган деб ва банк тугатилган деб ҳисобланади.

ХIII. БАНК УСТАВИГА ЎЗГАРТИРИШ ВА ҚЎШИМЧАЛАР КИРИТИШ

135. Акциядорларнинг умумий йиғилиши қарори билан банк Уставига киритилган барча ўзгартириш ва қўшимчалар давлат рўйхатидан ўтказилиши лозим.

136. Банк Уставига ўзгартириш ва қўшимчалар киритиш ёки банк Уставини янги шаклда қабул қилиш банкни рўйхатга олиш учун Ўзбекистон Республикаси қонун ҳужжатларида кўрсатилган тартибда давлат рўйхатидан ўтказилиши лозим.

137. Банк Уставига ўзгартириш ва қўшимчалар киритиш ёки банк Уставини янги шаклда қабул қилиш учинчи шахслар учун Марказий банк томонидан давлат рўйхатидан ўтказилган вақтдан кучга киради.

“ANOR BANK” АЖ
Бошқаруви Раиси



Ш.С. Акрамов

Faint, illegible text, likely bleed-through from the reverse side of the page.



Faint, illegible text, likely bleed-through from the reverse side of the page.

Illegible text, possibly a name or title.



Illegible text, possibly a name or title.